

[illegible]

3 9 8

[illegible]

— गवि १५५ क
२०२३ साल

मल्लकालया छुं संस्कृति



चुन्दा वज्राचार्य



पिकाक:-

काशीनाथ तमोट

निमित्त : नेपालभाषा अध्ययन व अनुसन्धान केन्द्र

मल्लकालया छुं संस्कृति



षिकाकः	काशीनाथ तमोट निमित्तः- ने. भा. अध्ययन व अनुसन्धान केन्द्र
तिथिः	ने. सं. ११०५ कछलागाः
संस्करणः	न्हापां, द्वःछिगू
व्यावक अधिकारः	स्वमियाके
सफूया सूः	न्यातकाजक, (५।-)
थाकुथिः	कंकेश्वरी प्रिन्टिङ्ग प्रेस ये" ।

मल्लकालया छुं संस्कृति - चुन्दा वज्राचार्य - ने. भा. अ. अ. के.

देछा !

जिम्ह अबुजु वेदानन्द वज्राचार्य व

मां ज्वालादेवी वज्राचार्यया

पालिकास

थव जिगु बःचाधंगु सफू देछाना !

— चवमि

छघः लः

प्वंके हि थन छगः छगः घः
आम्बोराया छफुति छफुति लः

—बुद्ध साय्मि

(“प्याय्चाःगु वाग्मती”)

खः थन छगः घः प्वंके हःगु दु, मय्जु चुन्दा वज्जुचार्यं
नेपाल—अध्ययन याइपिनि प्याय्चाः लंकेगु कुतःकथं ।

मल्लकालया नेपाल संस्कृति छगू थज्याःगु तःपुखू खः, गुकी
नेपालया गोपाल महिषपाल, किरात, लिच्छविकालया सभ्यताया खुसि
न्हयानावयाः जायाच्चंगु दु अले थ्व पुखुलि वा वयाः नेपाल (नेवाल)
संस्कृति नुयाः न्हयानावयाच्चंगु दु । व तःपुखुलि थकाःगु छघः लः
थ्व “मल्लकालया छुं संस्कृति” खः, थुकि छुं भचासां व्वमिपिनि
प्याय्चाः लंकीगु विश्वास यायेफु । मल्लकालीन सभ्यताया अनेक
मिखां अनेक खँ लुइकेफु, थन सांस्कृतिक—ऐतिहासिक पक्षया छुं खँ
लुइकुगु दु । थुकि माले—लुइकेया लुखा भचासां चायेकीम व थुकिया
दसुं न्हूनि मालेयःनि भाजु—मय्जुपिन्त न्हयज्जायेत हःपाः बीथे नं
च्चं । थज्याःगु ग्यसुग्यंगु सफू न्हापांगु त्याख्य पिकाये खनाः व नं
थ्व केन्द्रया दुजःपाखें हे व ज्था जूगुलि नं लय्ताय् बह जू ।

सुभाय् !

काशीनाथ तमोट

ने. सं. ११०५ कछलागा ७

नेपालभाषा अध्ययन अनुसन्धान केन्द्र

सफुतिइ दुनेया ज्वलंत

(विशेष उपदेशः)

सफुतिइ दुनेया ज्वलंत

(विशेष उपदेशः)

- पो ल्याः
१. जितामित्र मल्लया पालय्या छू धूलःपीया विशेषता १
 २. जितामित्र मल्लया पालय्या छू तिथिमिति २६
 ३. मल्ल जुजुपिनि दीक्षाया छुपुल ३७
 ४. मल्लकालिय फलप्राशन ४६
 ५. मल्लकालिय निसात्वसा ५२
 ६. मल्लकालिय अस्थायी कर ६१
 - लिधसा ६७

१. धूलः

सफुतिइ

(विशेष उपदेशः)

न्हयखँ



इतिहास अध्ययन यायेत छिइ इतिहासकार भाजुपिसं देशया काल विभाजन यानातइ । अयेतुं नेपालया इतिहासकारपिसं नेपालया इतिहास अध्ययन यायेत नेपालया काल विभाजन यानातःगु दु । नेपाल सम्बत शुरू जुइन्हयःया ईयात प्राचीनकाल धकाः निर्धारण यानातःगु दु । नेपाल सम्बत शुरूनिसें ८८८ तक्कयात मध्यकाल धकाः काल निर्धारण यानातःगु दु । उकी मध्यय् नेपाल सम्बत १ निसें नेपाल सम्बत ३२१ तक्कयात 'अन्धकार युग' धकाः धायेगु चलन दु । विशेष यानाः थ्व युगय् इतिहास अध्ययन यायेगु सामग्री अपाय्छ्वः उपलब्ध मजुयाः खः । ने. सं. ३२१ निसें नेपालय् अरि मल्ल जुजु जुल । थुबलय् निसें पृथ्वीनारायण शाहं नेपाःगा त्याका मकाःतल्ले थन मल्ल जुजुपिसं हे राज्य यानाच्चंगुलि थ्व मध्ययुगयात मल्लकाल धकाः नं धयातःगु दु । मध्यकालयात नं नेपाःगालय् मल्ल जुजुपिनि राज्य कुचामदःतल्लेयात पूर्वं मध्यकाल अथवा न्हयछ्वःगु मल्लकाल धकाः धयातःगु दु । थ्व ने. सं. १ वा ३२१ निसें ६०२ तक्क खः । थुबलय् तक्क यक्ष मल्लं नेपाःगालय् राज्य यानाच्चन । यक्ष मल्लया लिपा ने. सं. ६०२ सालय् नेपाःगाःया छ्गू राज्यया थासय् कुचादलाः ख्वप व येय् निगू राज्य जुल । थुबलय् निसे नेपाःगाःया येया जयप्रकाशया राज्य पृथ्वीनारायण शाहं ने. सं. ८८८ येयाःबलय् त्याकाकाल । थुबलय् तक्कया ईयात उत्तर मध्यकाल वा लिच्छ्वःगु मल्लकाल धकाः काल विभाजन यानातल ।

थन न्हयब्बयागु मल्लकालया छुं संस्कृति ने. सं. ६०२ निसें
 ८८८ अर्थात् लिच्चवःगु मल्लकालया संस्कृतियात् अध्ययन यानाः
 न्हयब्बयागु खः । लिच्चवःगु मल्लकालया संस्कृति अध्ययन यायेगु सामग्री
 मध्यय् तःधंगु बल्लाःगु गुहालि धलःपौया अध्ययन खः । धलःपौया
 परम्परा न्ह्याःगु हे विशेष याना मल्ल जुजुपिनि संस्कृति लिपाब्बक
 न्हयाना वनेमा धयागु धारणाय् खः । उकि थुकी मल्ल जुजुपिनि
 बुसानिसें मृत्यु संस्कारयत्तक यायेमाःगु संस्कारया पूजा, रीतिथिति
 आदियात् माःमाःगु सामग्री नसात्वेसा, तिसावसः, थलबलः, धनरम्भी
 आदिया पूर्ण विवरणयात् उल्लेख यानातःगु खः । बुसानिसेंवा मृत्यु
 संस्कारतक्क व्यवहार, चालचलन, रीतिथिति आदि संस्कृति दुने लाः ।
 उकि थ्व मल्लकालया छुं संस्कृति च्वयेत गुहालिकथं धरःपौयात्
 कयागु दु । अभिलेखालयस यक्व धलःपौ वहीया रूपय् लानाच्चंगु दु ।
 उकिइमध्यय् 'धरःपौ' धकाः नामाकरण जुयाच्चंगु धलःपौ संस्कृति
 अध्ययन यायेत तच्चवत् महत्वपूर्णगु जूगुलि उगु धरःपौयात् महत्व
 बियाः अध्ययन यानागु खः । थ्व धरःपौया महत्व व आपालं दुगुलि
 धलःया आकार बियाः सम्पादन व उकिया भाषिक विशेषतायात् कयाः
 जिगु एम० ए० नेपालभाषायात् च्यागूगु पत्र शोधपत्रया रूपय् च्वया ।
 थुकिया तःधंगु महत्व दुगु कारणं नेपाल तथा एशियाली अनुसन्धान
 केन्द्रं सञ्चालित याःगु बृहत राष्ट्रिय इतिहास निर्माण योजना
 अन्तरगतय् २०४०/४१ आर्थिक वर्षय् सिधयेकेगुकथंया देवनागि
 धलःया आकारकथं सम्पादन, फोटोकपी, नेपालीभाषा अनुवाद व
 भूमिका च्वयेगुकथं जितः छगू "मल्लकालीन ऐतिहासिक सामग्री :
 धरःपौ" या योजना सम्पन्न यायेगु शुभवसंस्कार प्राप्त जुल । गुगु
 योजना केन्द्रं बिउगु इलय् (२०४१ आषाढ) हे सिधयेकाः केन्द्रय्
 प्रस्तुत यानाबियागु दु । थन न्हयथनागु अध्ययन पत्र व योजनाया
 ज्याये न्हयनेमाछिगु तर मल्ल जुजुपिनि संस्कृति दुगु प्रकाशित योग्यगु
 खँया विशेष परिचय खः । अध्ययन यानाच्चवनेबलय् जक उगु विषय-

वस्तूया ज्ञान दयान्वनिगु व अध्ययन याये मास्तिवङ्गु इच्छा दङ्गु
स्वभाविक खः । उगु स्वाभाविकताया प्रतिफल- न्ह्यथनागु सफू खः ।

मल्लकालया संस्कृतिइ धलःपौया विशेषता छु दु धयागु खँय्
ल. नं. २२५५ चौथोया धलःपौया विशेषता कयाः न्ह्यब्वया बियागु
दु । इतिहास च्वयेत तिथिमितिया तःधंगु आवश्यकता दु । गुलि
मिलय् जूगु तिथिमिति जुइ उलि इतिहास सत्यगु जुइ । उर्कि
धलःय् गुकथं मिति च्वयातइ धयागु वयनेत उगु हे धलःपतीच्वंगु
मिति न्ह्यब्वयागु दु । धायेत ला मल्ल संस्कृति नेवा संस्कृति धाइ तर
मल्लयुगय् यानावःगु फुत्तकं संस्कृति हनाच्वनागु दुला ? धयागु
न्ह्यसलय् फलप्राशनया लिसः, गुगु संस्कार नेवाः समाजय् दयाः नं
मदुर्थे नां समेत लोप जुयाच्वंगु खनेदु । ङकियात प्रकाशयोग्य तायेकाः
फलप्राशन नं न्ह्यब्वयागु दु । नेवाः समाजय् ग्रहणया महिमा तःधं,
थुगु इलय् दानधर्म याये भि धयागु धारणा 'गंकि' पवंवःपिन्त जाकि,
लँ, धिवा दान बियावयात्तुं च्वनातिनि ध्व परम्परा मल्लकालनिसें
दुगु खः । उर्कि हे मल्ल जुजुपिसं थुबलय् दानधर्मया नापनापं दीक्षा
न्यनाः दीक्षा बिउम्ह गुरू पुरोहितयात दान यायेगु यानाच्वन । मल्ल
जुजुपि संस्कृति सम्पन्नपि, दानीपि व धर्मात्मापि खः । थथे धायेकेत
थुमित सीमित आयनं पर्याप्त मजू ङकि उगु इलय् थौकन्ह्यथा
अर्थ संकलन यायेगु स्वयाः पाःगु छगू साधन नालातःगु दु व खः
अस्थायी कर । गुगु कर मल्ल जुजुपिनि दरबारय् अपरकृत जुइगु
ज्या तालय् हनेत उथेयाइगु खः । संस्कृतिया थीथी पद्धति मध्यय्
इलय्बलय् थीथी नसात्वँसाया थीथी परिकार दय्काः नयेगु चलनं
यानाः उबलय्निसें थौतक्क नं नेवाःतय्गु नसात्वँसा मेमेपिनिगु
न्ह्यःने प्रख्यात जुयाच्वनेफत । नसा हे नं मल्ल जुजुपिसं कलात्मक
धंगकथं हंक व्यवहारय् छ्यलाः नयेत्वने सः ।

ध्व जिगु न्हापांगु मसःमसः यायागु ताय्तिति खः । मसःमसः

यानागुली सःसिउपिसं स्वयेबल्य् आपालं द्वंगु व कच्चा खनेफु ।
गथे खम अथे सुचं बियेत ब्वमिपिन्त इताप हु । अन्तय् प्रकाशन
यायेत नेपालभाषा अनुसन्धान व अध्ययन केन्द्रपाखें गुहालि यानादीम्ह
गुरू काशीनाथ तमोटजुयात आभारी प्रकट याये नापं उगु हे ज्याये
गुहालि यानाबिउम्ह किजा भाजु अष्टमुनि वज्राचार्यया गुण लुमंके
बहः जू ।

शुभाय् !

-चुन्दा वज्राचार्य

जितामित्र मल्लया पालय्या छगू धलःपौया विशेषता

न्ह्यखँ :-

उत्तर मध्यकालया थीथी विषयया अध्ययन यायेगु सामग्रीत मध्यय ताडपत्र, अभिलेख, सिजःपौ, थ्यासफू, हस्तलिखित ग्रन्थया नापनापं छगू त्वःमंके मज्यगु सामग्री खः 'धलःपौ' । धलःपौ च्वयेगु परम्परा विशेष यानाः नेपां गाःया साँस्कृतिक परम्परा लिपाथ्यंक त्वां-मदयेक न्ह्याना वनेमा धयागु धारणा कयाः यानातःगु खः । उकि थुकिइ मल्ल जुजुपिनि दरबारय् दुने जुइगु धर्म-कर्मनिसें कयाः फलप्राशन, अन्नप्राशन, चूडाकर्म, व्रतबन्ध, विवाह, दिक्षा, मृत्यु आदि संस्कार यायेत माःमाःगु चिकिचिकिधंगुनिसें ततःधंगु सामग्री ताःलाकेत ज्या याये न्ह्यः च्वयेगु यानातःगु खः । अथेतुं मल्ल जुजुपिनि छुं धार्मिक कार्यकथं फलेचा, देगः, छे, तुं आदि दयेकेमाल धाःसां न्हापां हे उकियात मामाःगु सामग्रीया ल्याःचाःया धलः बियेगु चलन दु । गनं चःयायाय् पूजा यायेमाल धाःसा पूजायात माःमाःगु हलज्वलं धलःकथं न्ह्यब्वयेगु चलन दु । थज्याःगु थीथी ज्याया विस्तृत विवरणया धलः बियातःगु धलःपौया ग्रन्थ छगू 'नेपाल राष्ट्रिय अभिलेखालय् दुने लगत नम्बर २२५५ चौथो'य् दु । थ्वहे सफूया विशेषता वारे थन खँ न्ह्यथने त्यना ।

धलःपती सफूया नां, च्वमिया नां छुं उल्लेख यानातःगु मदुगु, नेपाल लिपि स्वम्ह ब्यक्तिया हस्तलिपि च्वयातःगु १८९ पौ दुगु खः । थुकिइ ने. सं. ७२४ निसे ने. सं. ८१९ तक्कया तिथिमिति दुगु धलःपौ संकलन यानातःगु ख्वपया विशेष याना जितामित्र मल्लया राज्यकालया आपाः तिथिमिति दुगु खः । जितामित्र मल्लया राज्य-काल ने. सं. ७९४ पौषनिसे ८१६ फागुनतक्क जूसा मृत्यु थः काय् भूपतीन्द्र मल्लयात राज्य बिइधुंकाः ने. सं. ८२९ मार्ग्य जूगु खः । अर्थात् जितामित्र मल्लया मृत्यु भूपतीन्द्र मल्लया राज्यकाल्य तिनि जूगु खः । थ्व सफुती जितामित्र मल्लया जीवनकाल स्वयां न्हापायागु तिथिमितियागु छगूजक दु । मेगु फुक्क वयागु जीवनकालयागु जूगुलि थ्व सफू जितामित्र मल्लया पालय्यागु खः ।

थुकी संस्कार सम्बन्धी, निर्माण वा प्रतिस्थापन, थीथी छः-पिन्त थीथी पूजा, शान्ति स्वस्तिक, आर्थिक सहयोग आदिया नँसा त्वँसा, तिसावसःलिसे कच्चापदार्थ, ज्या याइपि ज्यामि, भाजु, भारदार, पूजा सामग्री आदि थीथी बिषयया धलः दुध्यानाच्चंगु दु । थ्व विशेष यानाः दरबारपाखे जुइगु ज्याया वा जुजुपाखे याःगु ज्याया धलः खः ।

छुं छगू ज्यायात माःगु हलंज्वलं छसीकथं बिइगु 'धलः' खँग्वः नेपालभाषाय् अरबी भाषाया 'दत्त' पाखे 'धरत' जुयाः दुहांवःगु खः । उ कि थ्व 'धलः' खँग्वः नेपालभाषाया थःगु हे खँग्वः मखु । उत्तर मल्ल-काल्य नेपाःया सम्बन्ध भारतनाप दुगु जूगुलि भारतय् शासन याना-च्चपि मुसलमानी भाषाया प्रभाव लाइगु स्वाभाविक खः । अथेतुं थ्व खँग्वः नं उकिया प्रतिफल खः । थ्व काल्य 'धलः'यात धरोट, धलोत, धरत, धलत धकाः छ्यलातःगु आपालं सामग्री खनेदु । अरबी भाषां नेपालभाषाय् दुहाँ वःबलय् 'धरत' जुयावल । अनं 'अ' कारया 'ओ' कार जुयाः 'धरोत' जुल । छाय् धाःसा 'अ' कारया 'ओ' बाँलाक

हे जू । उगु इलय् 'र' व 'ल' या छुं फरक महु । उकि 'धरोट'या थासय् 'धलोत' नं जुइफु । 'धरत' या थासय् 'धलत' नं जुइफु । लिपा 'त' तनाः 'धलः' जुल ।

विशेषता

१. जितामित्र मल्लया मृत्यु :-

जितामित्र मल्लया मृत्युबारे इतिहासकारपिनि विवाद दु । छगू पुचःया इतिहासकारपिसं जितामित्रया मृत्यु धुःकाःतिनि भूपतीन्द्र मल्ल ख्वपया जुजु जुल धाइपि जूसा छगू पुचः इतिहासकारपिसं जितामित्र मल्लं थः मृत्यु न्हयःहे थः काय्यात राज्य बियाः धार्मिक व साहित्यिक ज्याये लगयेजुल धाइपि दु । प्रख्यातम्ह इतिहासकार भाजु डिल्लीरमण रेग्मीज्यू थःगु 'मिडिबल नेपाल' सफुती 'Jitamitra malla died on Bhadre vadi 11 of 816' 'जितामित्र मल्लया मृत्यु भाद्र वदि ११, ८१६' कुन्हु जुल । [रेग्मीः १९६६ः २३२] धकाः च्यातःसा सूर्यविक्रम जवालीजुया 'नेपाल उपत्यकाको मध्यकालीन इतिहास' य-

'जितामित्र मल्लको मृत्यु ने. सं. ८१६ वा त्यसका केही अघि भएको अनुमान हुन्छ, किनभने सोही सम्बतको यिनका छोरा भूपतीन्द्र मल्लको मोहर प्राप्त छ ।' [जवाली वि. सं. २०१९ पृ. १०८]

भूपतीन्द्र मल्लया धिबा खनेदयेसाथं मृत्यु जुल धकाः धायेगु यानातःगु पाय्छि मजू । छाया धाःसां जुजु थः दयेक दयेकं थः काय्पिन्त राज्य लःल्हायेगु यानातःगु ख्वपया जितामित्र मल्ल छम्ह जक मखु यलया जुजुपि सिद्धिनरसिंह व शीनिवास मल्लं नं थःपि जीवित जुया च्वंकच्वंकं थः काय्पिन्त राज्य लःल्हाना बिउगु खः ।

१ धनवज्र वज्राचार्य- "योगनरेन्द्र मल्लको राज्याभिषेक" पूर्णिमा-
अंक ६ ।

जितामित्र मल्ल ने. सं. ८१९ तक्क जीवित तिनि धयागु खँ थ्व धलःपीनं सी दु ।

“ने. सं. ८१९ ज्येष्ठ वदि १० श्री २ सुमति जय जितामित्र मल्ल देवनं थमसिद्धा होम याङ्ग्या.....”

भीमनिधि तिवारीजुया धारणाकथं जितामित्र मल्लया मृत्यु ने. सं. ८२९ सं तिनि जूगु खः । २ (तिवारी २०२८ : प्रस्तावना ख) अनं लिपा धार्मिक ज्या व साहित्य्य लगयजुल धयागु धारणायात थ्व धलःपति नं गुहालि बिउ । जितामित्र मल्लं ने. सं. ८१६ सालं थःगु राज्य थः काय् भूपतीन्द्र मल्लयात लःल्हायेगु यलया जुजुपिनिगु प्रभावं खः ।

२. जितामित्र मल्लया तःधिकःम्ह काय् :-

राजगद्दिदइ च्वनेगु परम्पराय् जुजु मृत्युजुल वा गद्दिद त्वःतलधाःसा व जुजुया तःधिकःम्ह काय् गद्दिदइ च्वनाः जुजु जुइगु यानातःगु खः गुगु न्हापानिसे आःतक नं कायम जुयांतु च्वंगु दु । उकि खवय् नं जितामित्र लिपा जुजु भूपतीन्द्र मल्ल जुल । भूपतीन्द्र मल्लया जन्म ने. सं. ७९५ कार्तिक शुक्ल षष्ठी खः । ३ [पूर्णिमा ३:४२४] तर धलःपती उल्लेख जुयाच्चकथं भूपतीन्द्र मल्ल जितामित्र मल्लया तःधिकःम्ह काय् मखु । छाय् धाःसा “श्री श्री जय जितामित्र मल्ल जुजुया थाकुरजुया फलप्रासनया सम्बत ७९४ दीपशुदि ५ थ्व कुन्हु याना” धकाः च्वयातःगु दु । भूपतीन्द्र मल्लया जन्म न्हयः हे नं जितामित्र मल्लया काय्यात फलप्राशन याकेधुकूगु सी दु । अथेतुं भूपतीन्द्र मल्लया जन्म न्हयः “श्री श्री जय जितामित्र मल्लया

२ भीमनिधि तिवारी ‘महाराजा भूपतीन्द्र’ पूर्णाकी नाटक प्रस्तावना खः ।

३ शंकरमान राजवंशी, ऐतिहासिक कुण्डली पृ.-

थाकुरजुया जरको याडा धरत.....॥ थाय सिधरवास याडा ॥ दिन सम्बत ७९५ वैशाख शुक्ल अक्षेतितीया कुन्हु याडा दिन" धकाः जितामित्र मल्लया काय्यात जंकु (अन्नप्राशन) यानातःगु खनेदु । भूपतीन्द्र मल्ल थ्याःम्ह कलाःयापाखे याम्ह तःधिकःम्ह काय् जंक खः । वा भूपतीन्द्र मल्लया जन्म न्हयः च्वय् न्हयथनागु फलप्राशन व अन्नप्राशन याकुम्ह जितामित्र मल्लया राजकुमारया मृत्यु जुल वा व मथ्याःम्ह काय् खः । यदि मथ्याःम्ह काय् जूता दरवारय् दुने थ्याः मथ्याःया भेदभाव खालि जुजुया उत्तराधिकारय् जंक खः । मेगुलिइ मदु । अथेतु सम्बोधनकथं छयलिगु 'थाकुर' खँवः राजकुमार-पिन्त छयलेगु यानातःगु खः । श्वहे थाकुर खँवः भूपतीन्द्र मल्लयात नं छयलातःगु खनेदु । अथेतु च्वय् न्हयथनाम्ह राजकुमारयात नं छयलातःगु दु । उकि भूपतीन्द्र मल्ल जितामित्र मल्लया तःधिकःम्ह काय् मखु । तः धकःम्ह काय् आःतक लुयावःगु सामग्रीकथं ने. सं. ७९४ पौष शुदि ५ कुन्हु फलप्राशन याकुम्ह थाकुरजु खः ।

३. तिथिमितिया आधिक्य :-

छगू हे धलःपौया सफुती सच्छिमयाक तिथिमितिया उल्लेख यानातःगु सफू लुइगु इतिहासकारपिनि लागि तःधंगु खः । श्व सफुती १०७ गू तिथिमिति खालि ख्वपया नं विशेष यानाः जितामित्र मल्लया पालय्था जंक खः । गुनि यानाः जितामित्र मल्ल, उग्र मल्ल (मिरिम्ह जुजु), भूपतीन्द्र मल्ल, वदमावती थकुनी, नन्दिनी थकुनी आदि ब्यक्तिपिनिगु जीवनी च्वयेत तःधंगु गुहालि जुइगुया नापनापं छु छु तिथिमितिइ छु छु जुल धयागु खँ नं स्पष्ट विवरण बिधातःगु दु । गथे कि नन्दिनी थकुनीया बिवाह ने. सं. ७९४ सदाशिवया चुकय् जुल अथेतु भूपतीन्द्र मल्लया ने. सं. ८०४ बलय् चूडाकर्म जूसा ने. सं. ८०६ बलय् ब्रतबन्ध, ८०८ बलय् बिवाह व दीक्षा बिउगु धकाः वर्ष दिन समेत निर्धारण जूगु उल्लेख जुयाचवंगु खनेदु ।

४. मल्लकालीन संस्कार :-

जन्म जुसानिसें मृत्युतक सामाजिक परम्पराय् धार्मिक ज्याकथं मनूयात शुद्ध याइगु संस्कार खः। हिन्दू समाजय् १६ संस्कार धायेगु चलन दु। मल्ल जुजुपिनिनं १६ गू संस्कार यायेगु चलन दु। उकिइ मध्यय् खनेदुगु संस्कार थथे खः-

४. क) जन्म-उत्सव :- जन्म जुयाः निर्दं दसानिसें (स्वदं यायेगु अपाय्चवः चलन मदु। दय्दसं जन्म-उत्सव मानयेयायेगु चलन दु। जन्म-उत्सव हनेगुलिइ धलःपती निम्ह ब्यक्तिया मानयेयाःगु खनेदु। माघ शुदि ७ व मार्ग वदि नवमी खः। उकिइमध्यय् माघ शुदि सप्तमीया जन्म-उत्सव सुयागु खः व सी मदुनी। मार्ग वदि नवमी-बलय् या उत्सव जितामित्र मल्लया जन्म-उत्सव खः।

“ने. सं. ८०५ माघ शुदि सप्तमी शनिश्वरवार जन्मदिनया भोज”

“श्री गणशाय नमः। सं ८०५ मार्गशिर वदि ६ शनि.....”

“ने. सं. ८०६ मार्गशिर वदि ६ जन्मदिनया आदित्य वीहि”

ने. सं. ८०७ मार्गशिर वदि ६ सोमवार श्री २ सुमति जय जितामित्र मल्ल जुजुनं गोशत दान याताया होम जोलन.....”

थुकथं जितामित्र मल्लया ने. सं. ८०५, ८०६ व ८०७ बलय् जन्म-उत्सव याःगुया विवरण थुकिइ दु। ने. सं. ८०५ या जन्म-उत्सव मानय् याःबलय् नव ग्रह दान यायेगुलिइ स्वतोला स्वतोलाया नवग्रहया प्रतिमा दयेकाः दान याःगु खनेदुसा ने. सं. ८०७ बलय् मानय् याःबलय् १०० म्ह सा दान याःगु खनेदु।

अथेतुं भक्तपुर राजदरबारया तलेजु चुकया लुखाय् लुँ सिया-

१ जितामित्र मल्लया जन्म कुण्डली लुयामवःगुलि वयागु जन्म थुलि हे मितिइ धंकाः धाये मफुनि।

तः गु तोरण ने. सं. ८०५ मार्गशिर कृष्ण नवमी कुन्हु छाः गुया तोरण दयेकेगु वर्णन नं श्वहे धलः पतिइ लानाच्चंगु दु ।

“नेपाल सम्बत ८०५ ॥ शक १६०६ विक्रम १७४१ कलि ४७८५ मार्गशिर कृष्ण नवम्यां, चित्रानक्षत्रे सुकर्म योगे यथाकरण-मुहूर्त्ते शनैश्चरवासरे धनुराशि गते सवितरि कन्याराशिगते चन्दमासि श्व कुन्हु दुता जुरो ॥” (अभिलेख संग्रह ७ : २८)

“सम्बत ८०५ ज्येष्ठ शुदि तोरण आरम्भ दिन सिजल दुकाया दिन” धकाः सिजः दुकाः गुया विवरण खनेदु । जितात्रि मल्लया स्वक्वलं जन्म-उत्सव भव्यकथं मानयेयाः गु खनेदु ।

४. ख) फलप्राशनः— फलप्राशन व अन्नप्राशन थीथी संस्कार खः धकाः श्व सफुर्ति स्पष्ट यानाच्चंगु दु । फलप्राशनबलय् मत पूजा, कलश पूजा व प्यमना जाकिया जा थुयाः जा पूजा यात्राः ८४ तां फलफूल तथाः याकेगु चलन खनेदु । यदि ८४ ता फलफूल प्राप्त या ये मफुतसा फक्वजक फलफूल तथाः ८४ ता भाः पेगु चलन दु ।

४. ग) चूडाकर्मः— मल्ल जुजुपिनि चूडाकर्म व ब्रतवन्ध निगुलि यायेगु चलन दु । चूडाकर्म ब्रतवन्ध स्वयां न्हापा याइगु संस्कार खः । गथे कि ने. सं. ८०४ फाल्गुण शुदि ५ आदित्यवार कुन्हु भूपतीन्द्र मल्लया चूडाकर्म याः सा ने. सं. ८०६ माघ महिनाय् ब्रतवन्ध याना-तः गु खनेदु ।

“सम्बत ८०४ फाल्गुण शुदि ५ आदित्यवार कुन्हु श्री श्री भूपतीन्द्र मल्ल देवया चूडाकर्मया पिठि पूजा याता वसपे.....”

“सम्बत ८०६ माघ वदि ५ श्री २ थाकुलजुया वुदान तथाया धरोट”

चूडाकर्म दुमाजु (दिगुद्यः) याथाय् यंकाः याकेगु चलन दु । पूजा याये न्हयः ‘इनाय’ कायेगु व पूजा सिधल धायेवं ‘इनाय’ लित

तयेगु नं चलन दु । चूडाकर्म याइबल्य् यःयात 'सुवस्त्र' व 'फनिनवस्त्र' छायेगु व चूडाकर्म याःम्हसित तिसाःवसः लःह्नायेगु नं चलन दु ।

४. घ) ब्रतवन्ध :- चूडाकर्म यानाः छु दँ लिपा ब्रतवन्ध यायेगु चलन मल्ल जुजुपिनि खः । ब्रतवन्धयात 'वुदान' नं धाः । थौं कन्ह्य् थ्व 'वुदान' यात 'बुदा' धाइ । ब्रतवन्ध याइबल्य् 'इनाय' व 'एलि' पूजा यानाः कायेगु व लिततयेगु नं चलन दु । दुमाजुयाथाय् 'पञ्चोपचार पूजा' व 'दुसर पूजा' यायेगु चलन दु । भूपतीन्द्र मल्लया चूडाकर्म याःबल्य् येपाखें ३५ म्ह बाम्हणत वःगु खनेदु । अथेतु ब्रतवन्ध याःम्हसित विभिन्न व्यक्तितय्सं लं, जनि, बेताली, कापः आदि तयाः बाधां छूगु खनेदु । ये या जुजुपाखें बाधां छूगुलिइ 'देवाङ्ग लं' जरी, बेताली, 'पावरी' जरीया जनि, सल आदि तयाः याःगु दु । बाधां छुयेगु क्रमय् येया चौवरा, मधेशिया श्री चक्रपाणी पाँडे, संसारचनया नापनापं महाराणीपिनि व्यहारिनी ?, नृपेन्द्र मल्लया कलाः व प्रताप मल्लया बिधुवाम्ह कलाःपिसं नं याःगु दु । बाधां छुयेगु स्तर प्रशासनिक पद व स्तरकथं पानाच्चंगु खनेदु । येया जुजुपाखें छूगु बाधां दकल्य् उच्चस्तरकथं जूगु खनेदु । मेमेपिनि उलि खनेमदु ।

४. ङ) दीक्षा :- मल्ल जुजुपिनि धार्मिक कर्मकाण्ड मध्यय् राजगुरू वा सःस्यूपि गुरुपिनिपाखें दीक्षा न्यनेगु चलन दु । धार्मिक क्रियाकाण्ड, दान धर्म यायेगुलिइ विशेष यानाः ग्रहणय् यायेफत धाःसा आपालं पुण्य तायेकिगु खः । उकिइमध्ये नं सूर्य ग्रहणयात आपालं महत्व बियेगु चलन दु । उकि दीक्षा कायेबल्य् नं विशेष यानाः सूर्य ग्रहणबल्य् कायेगु भि तायेकू ।

अथेतु भूपतीन्द्र मल्लं नं ने. स. ८०८ कार्तिक वदि १५ बल्य् दीक्षा काःगुया पूर्ण विवरणया नापनापं दीक्षा बिउम्ह गुरुयात बिइगु दान दक्षिणाया नं उल्लेख यानातःगु दु । थुकी सूर्य ग्रहणया

पर्श, ग्रास, मोक्षया तालिका समेत बियातःगु दु ।

४. च) विवाहः— मल्ल जुजुपिनिगु विवाह प्रथाय् बाल विवाह, विधुवा विवाह, पुनः विवाह, डोलाजी विवाह पारपाचुकेगु चलन आदि दु । डोलाजी विवाह विशेष यानाः राजकुमारी बियाछ्वये मास्ति मवल धाःसा जिवाभाजु मालाः विवाह यानाबियेगु चलन दु । (वज्राचार्यः २०३२ : १०८) मल्ल जुजुपिनि विवाह विशेष यानाः १२ वा १३ दँ दाकि यानाबीगु चलन दु । थुकथं हे भूपतीन्द्र मल्लया विवाह नं ने. सं. ८०८ कार्तिकबल्य् यानातःगु खनेदु ।

“ने. सं. ८०८ कार्तिक वदि ४ आदित्यबार, विवाहया इनाय् छोया धरोत ॥ थ्व कुन्हु”

विवाहया तयारी ने. सं. ८०७ आषाढनिसें जूसां भाद्र महिनाय् भव्य तयारी जूगु खनेदु ।

“सम्बत ८०७ जेष्ठ आषाढ वदि १० श्री थाकुलजुस एहेयाता मारे छुङा दिन” धकाः मरि छगुया विवरण दुसा भाद्र महिनाय् थाय् थासय् ‘सेवाकु’ यात पौ छ्वयेगु, पौ अनुसार ‘सेवाकु’ थ्यंके-हःगुया नापनापं भूपतीन्द्र मल्लया विवाहयात वसः, तिसा, नसा, पाहाँ आदि विवरण थ्व सफुती दुथ्यानाच्चंगु दु । अथेतुं पूजा सामग्रीया धलः नं थुकिइ दु ।

“सं ८०७ भाद्र वदि व श्री २ भूपतीन्द्र मल्ल थाकुलजुस एहेयाता हाङा मोहं ३६ यज्ञस चित्तायाक बिया ॥”

विवाहया भव्य नकेत विभिन्न व्यक्तितय् थोथी ज्याबा अभिभारा बिइकथं अधिकारीत गठन यानातःगु दु । गथे कि ‘गति भादिल’ (ति भरि), बजि भादिल (बजि भरि), धरी भादिल (धौ भरि), वसुजात भादिल (वसुजा भरि), साखर भादिल (साखः भरि) आदि ।

विवाहया भव्य नकेत भव्ययात मामाःगु तुफि, सलि लप्ते,

पिचानिसें ला, बजि, मसला आदि दुगु 'सेवाकु' कायेत थाय्थासय् पी च्वयेगु चलन दु । गथे कि-

“शुभ विचाल ॥ श्री २ सुमति जय जितामित्र मल्लवेक्सन मेलुयाके खं थ्वते श्री थाकुलजुस एहेयाता सेवाकु सम्बत ८०७ भाद्र शुदि १३ येनके माल” धकाः मेलुया नामय् दरबारपाखें पी च्वया छ्वःगुलि 'सेवा कु' अनं छ्वयाहःगु 'सेवा कु' प्राप्त जूगुया बिबरण थथे दु-

“ने. सं. ८०७ भाद्र वदि १ श्री २ थाकुलजुस एहेयाता यया सेवा कु काया...”

थुकी मेगु राजकुमारी नन्दिनीया विवाहया विवरण नं दु । गुम्हम्या विवाहया थाय् सदाशिव मल्लयन चुकय् याःगु खः ।

“श्री श्री नन्दिनी थाकुनिया एहे याडाया जोलन मार दयका ॥ एहे याडा थाय सदाशिव मल्लजुया चुकस याडा.....”

राजकुमारीया विवाहबलय् “भमल जात्रा” धकाः भम्चा ब्वयाः ग्वाः ग्वय् बियेगु चलन दु । कन्यादान याइबलय् सिन्दुर तयेकिइ-बलय् हयाजंगु कापः तयेगु चलन दु तर राणासाहेबज्यूतय् विवाह यानाः सिन्दुर तयेकिइबलय् तुयुगु कापः तयेगु चलन दु । [साहेबज्यू चौतरीहरूको विवाह ६ नं ४३६/२२] थुबलय् ब्वसः नं बियेगु चलन दु ।

विवाहया भ्वय् थःगु राज्य दुतेच्वं पि त्वाःत्वाःया बिभिन्न जातीया नापनापं मेगु राज्यया जुजु भाईभारदारया नापनापं जनता जनारदनत नं सःतैगु चलन दु ।

राजदरबारय् जुइगु भ्वय्या निमन्त्रणा बिइबलय् राजखलः मथ्याः राजखलः भाईभारदार, त्वाःनायः जुजु आदिपिन्त ग्वय् बियेगु चलन दु ।

५. जातजाती :-

समाजय् ज्याकथं जातीय व्यवस्था यानातःगु दु । थ्वहे जात जाती लिपा वनाः उच्च, निम्न जातीय वर्गय् बिभाजन जुल । थुकी निम्नवर्गया जात जातिइ कामि, सार्कि, दमाईनिसें पुरोहितवर्गया ब्राम्हणतक नं खनेदु । छगूहे जातिया थीथी उपजाति नं खनेदु गथेकि बौद्धमार्गी नेवाःतय् तम्बः, कंसाकार, लीकःमि, मरिकःमि, सिंकेःमि व ल्वहेंकःमि थुमिगु जातिय ज्याकथं यानाच्चंगु क्रमशः सिजः, कँय्, ली, मरि, सिं व ल्वहेंतय् खः । अथेतुं हिन्दूमार्गय् पुरोहित जातिइ खनेदुगु उपजाति दुई, ब्राम्हण, भट्ट, उळा, खसब्राम्हण, उपाध्याय, अधिकारी, खनाल, कुमायी, बेहावल ब्राम्हण, आचार्य, खत्री आदि खः ।

दुई व कुमायी ब्राम्हण नेपाः गालय् श्री ५ पृथ्वीनारायण शाह नापनापंजक वःगु धयागु इतिहासकारपिनि धापू खः । थुकी खनेदुगुलि नेपाः गालय् थुमि बसोबास यानाच्चंगु स्पष्ट खनेदु । कुमायी ब्राम्हण थुकी खनेदु पश्चिमं पूर्वपाखे बसाई—सराई [वज्राचार्य २०३२ : १७] यानावंपि खस—मगर उपत्यकाया थःगु राज्यदुने च्वनाच्चवंपिके 'सेवा कु' कायेगु यानातःगु धलःपतिइ खनेदुगु खः । थुबलय् पश्चिमं वयाः उपत्यकाय् खनेदत जुइ । अनं नं बसाई सराई यायां पूर्व वन जुइ, अनं उपत्यकाय् खनेमन्त जुइ, लिपा वयाः पृथ्वीनारायण शाहनाप हानं उपत्यकाय् दुहांवल जुइ वा उपत्यकाय्तुं गुम्ह गुम्ह च्वनाछ्वेत जुइ । थ्व वाहेक लवत, राजा, कस्त, मोचि, पहिल, साज आदि नं जाती खनेदु ।

६. तिसा, वसः व नसा :-

मल्लकालया तिसा, वसः व नसायाबारे विशेष अध्ययन यायेगु विषय खनेदु । तिसा तियेगुलिइ बिभिन्न तिसा बिभिन्न थासय् तिइगुया नापनापं छथाय्तुं तियेगु तिसाय् नं क्रमवद्धकथं तियेगु चलन दु । अथेतुं तिसा वसः तियेगुलिइ मिसा—मिजंया थीथीकथं तियेगु व

पुनेगु चलन दु । मिजंतय्सं, मिसातय्सं निगू वगं नं तिसा तियेगु याः । तिसां विशेष यानाः छँयनय्, गःपतय्, ह्लाती, तुतो खः ।

क) तिसा- छँयनय् तियेगु तिसा- 'लु' केतकि स्वान'
'न्हसकोटयात च्वयक्वय्' 'चापरी तप'

गःपतय् तियेगु तिसा- तो, भिपूमाः, पूमाः, तायो,
जन्तर, सिखः, मोतिमाः, रुद्राक्ष, 'दोविन
माला' 'गुल्या माला', 'खाङमुपुर', 'नाग-
पाश', 'तिभाभा'

ह्लाती तियेगु तिसा- लु अंगू, वहः अंगू, चेन
अंगू, लु प्राण अंगू, धुति अंगू, गुलपान
अंगू, हिराथुना अंगू, चुल्या, लुया बाजु,
वहया बाजु आदि ।

तुती न्हायेगु तिसाय्- कल्ली, 'तुतेताल'

ज्वाहारातय्- हिरा, मोति, पद्मराग, पुष्पराग,
चन्द्रकान्ति, सूर्यकान्ति आदि ।

'उपदोहिनि' व 'खुम्हा जोलन' नं तिसा खः तर गन तिङ्गु खः
व सी मदु ।

ख) वसः -वतय् छँयनय् पुयेगु बेतालिनिसें तुतिङ्गु न्हायेगु
लाकां समेत खनेदु । ङकिङ्गु मध्यय् ७ ता रंगया जनि, परिगा, लैनय्
थीथी प्रकारया लं खनेदु गथेकि 'कुम्हाःवस्त्र', 'कामुक लं', 'वाकि लं',
भिमण्डल लं, 'मुरनङ्ग' वेनिवस्त्र आदि खः । अथेतुं थीथीकथंया
कापः नं खनेदु ।

'कोरि, खासा, क्यामरवादि, वाफा, साथन आदि खः ।

ववथाय् छायेपेगुली - चकति, चल्लाया छचंगू कुशया लासा,

लोसा, फांगा, दस्ता, सिलः, सांगा, तन्ना, खाता वालिष्ट, धकि,
इलां नापनापं थीथीया सुकू आदि ।

ग) नैसा- मल्ल जुजुपि तच्चतं खँचुवा खः छगू हे वस्तुया
नं थीथी परिकार दयेकाः नयेगु चलन दु । सुख्खा छुचुं मरिनिसें
कचरी ऐथ्या, मथं, फिनि, सदै, थीथीकथंया ओ-भुतियां ओ, योमरि,
चेतांमरि, चपमरि, विभिन्नकथंया लड्डु आदि न्ह्यब्वयातःगु दु ।
मल्ल जुजुपिनिगु संस्कृतिइ मरिया स्थान तच्चः । विवाहबल्य मिजंया
थासं मिसायाथाय् “वाता छोय्” धकाः विभिन्न परिकारया मरि तया-
छवयेगु चलन दु । अथेतुं विवाहया भवज्य् छुचुं मरि तयाः नकेगु
मरि ‘थयेका छवयेगु’ नं चलन दु ।

भर्वज्य् त्वँसां कथं तइगु ह्याउँथ्वँ, कताथ्वँ, अजिथ्वँ, कालथ्वँ,
अय्लाः व साधारण थ्वँजक नं खः ।

मल्ल जुजुपिनि मेगु च्वन्ह्याःगु नसा लाया परिकार खः ।
छंम्ह हे जन्तुया ला नं छव्य्ला, पुकाला, चुला, लाओ, लापी,
हांमोला, हिला, पंला, हाकु छव्य्ला, तकुला आदिकथं दयेकेगु याःसा
छगूहे लाया परिकारयात थीथी जीव-जन्तुयागु दयेकेगु चलन दु ।
मथेकि पंला (ला मनाः धउ तयाः वालाः दयेकातःगु लाया ज्वलं छगू
हे नं म्ये, दुगु, बखुं, हँय् ‘करन पंला, गुला पंला, न्याया पंला, ख्येया
पंला धकाः दयेकेगु यानातःगु खनेदु ।

अथेतुं बखुंया लायात हे थीथीकथं दयेकेगु चलन दु ।
मथेकि- बखुंया ला व धउ तयाः दयेकातःगु ला, बखुंया ला व
पालु तयाः छ्यानाः दयेकातःगु ला आदि खः ।

थ्व सफूकथं मल्ल जुजुपिनि पाल्य समाज्य पुरोहित ब्राम्हण
निसें जुजुपिन्त दब्वसितं फाया ला बांलाक हे चल्य् जू धयागु सीदु ।
भूपतिन्द्र मल्लया व्रतवन्धबल्य् ला इनेगु सिलसिलाय् दुजः, भादिल,
सुवाः, ब्राम्हण आदिपिन्त मे, दुगु, फा, हँय् आदिया ला इनाबिउगु

छनेदु । अथेतुं जितामित्र मल्लं यल व छवया ब्रूमहगतयत् भव्य नकूगु
धलःपती फाया ला नं न्हचथनातःगु दु ।

“फल १ फाला, म्हं २ फा, म्हं ८ मेश, म्हं ७ चोलस, म्हं
७ फसि, म्हं ४ दुगु” “फाया से, फाया सो, फाया दाक काले” ।

भूपतीन्द्र मल्लया विवाहयात नालां हःगु ‘सेवा कु’ स ‘म्ह व फा’
नं दु । अथेतुं मेमेगु थासं छवयाहःगु ‘सेवा कु’स नं ‘फा’ छवया
हःगु दु ।

अथेतुं जितामित्र मल्ल व उग्र मल्लया दीक्षा काःवल्य् पनौति
“फाचा म्हं १” व ठिम् ‘फारा फं २’ [फाला फं २] तयाः ‘सेवा कु’
छवयाहःगु छनेदु । वहे १३:४:२४ ख्वपि बाहेक मिडिभल नेपाल तृतीय
भाग पील्याः ७२ य् नं फाया ला न्हचथनातःगु दु । भूपतीन्द्र मल्लया
दीक्षायात ठिम् फा, मे, दुगु तयाः सेवा कु’ छवयाहःगु छनेदु । अथेतुं
दरवारय् दुने जुङ्गु भव्यया अवसरय् विभिन्न थाय्थासं छवयाहःगु
‘सेवा कु’ नं ‘फा’ तयाः छवयाहःगु छनेदु । उक्कि मल्लकाल्य् आः
निषेध यानातःगु फाया ला उबलय् उच्चजातियात हे नं बांलाक नसाया
रूप्य नयेगु यानातःगु छनेदु ।

ला व दुरू त्वाकछ्यानाः नये मज्यू धाइ तर उबलय् चुंला
(त्यानातःगु लाः) व दुरू तयाः चुंला दयेकेगु चलन दु । अथेतुं
गजब गजङ्गु घासा ता दयेकेगुनी फसि व ख्ये छ्यानाः कचिगु केरा
घ्यलय् भुटय्यानाः चाकु थुनाः दयेकेगु, जनावरया आतापुती (मे
वा दुगु) ख्ये थनाः पुकाः दयेकेगु छगू प्रकारया घासा खः ।

७. मनोरञ्जनः-

उत्तर मल्लकाल्य् मनोरञ्जनया साधन विशेष यानाः नाच
गान खः । दरवारय् दुने चर्चिन्त प्याखं कयनेया लागि दरवारय् दुने
हे नासः चुक्या व्यवस्था यानातःगु दु । अथेतुं राज्य जनता

जनारदनपिनि प्याखं ल्हुयेगु व स्वयेया लागि त्वाःत्वालय् दबूया
 व्यवस्था यानातःगु दु । नाचगान विशेष याना दरवारय् दुने विवाह
 ब्रतबन्ध, चूडाकर्म आदि थें ज्याःगु लसताय् राज्यया थाय्थासं प्याखं
 हयाः नासः चुकय् क्यनेगु याइ । अथेतुं थःगु राज्यनापं सम्बन्ध दुगु
 राज्यपाखें राज्यया थाय्थासं नं प्याखं हयाः क्यनेगु चलन दु । उलि
 जक मखु छगू राज्यया दुने छुं लसता जुनधाःसा मेगु राज्यया सुं
 छम्ह व्यक्ति नं प्याखं यंकाः क्यनेदु । थथे लसतावल्य् प्याखं क्यने-
 बलय् धेंधेंबल्लाःकथं क्यनेगु याःगु खनेदु । थथे धेंधेंबल्लाः याःगुली
 उत्कृष्ट जूगुयात पुरस्कार बियेगु चलन नं दु । भूपतीन्द्र मल्लया
 विवाहया लसताय् थाय्थासं हःगु प्याखनय् येया प्याखंयात २०
 तका, नादलयात ६ मोह, ठिमी, साँखु, गोल चांगु आदि थासं हःगु
 प्याखंयात ६।६ मोह, पनौती, नाला, श्रीखण्डपुरं हःगु प्याखनय् २।२
 मोह दां पुरस्कार स्वरूप बिउगु खनेदु ।

थथे धेंधेंबल्लाःकथं प्याखनय् ब्वति काःवःपिन्त दरवारं हे
 नयेगु, च्वनेगु आदि माःमाःगु बन्दोबस्त यानाबिइगु नं खनेदु । गथे कि
 भूपतीन्द्र मल्लया इहिपाःया लसताय् तोखां हःगु प्याखंया मनूतयेत
 च्वनेगु थाय् जागेश्वरया ‘थःछे’ बिउगु खनेदु । प्याखं हःपि प्याखंम्बः
 व दर्जाकथं नसा व च्वनेगु थाय् बियेगु नं चलन खनेदु । भूपतीन्द्र
 मल्लया इहिपालय् जितामित्र मल्लं ‘मदालसा हरण’ प्याखं च्वयाः
 प्रदर्शित याःगु खः । (बज्राचार्य २०२३ फाल्गुण १६) गुगु प्याखंया
 वर्णन थुकी नं खनेदु । थ्व हे लसताय् येया जुजुपाखें भीमानन्द
 प्याखं हःगु दु । थुकी जल्ला प्याखं इकु प्याखं, नं उल्लेख यानातःगु
 दु । वया नापनापं काः, प्वंगा, खि आदि बाज्या विवरण दु ।
 थाय्थासं दैत्य, कुमारीया प्याखं नं हःगु खनेदु ।

८. धार्मिक खँ-

मानव जीवन धर्म व संस्कार नापनापं न्हयानावनाच्वंगु दु ।

प्रत्येक संस्कारया आधार धर्मं जुयाच्चंगु दु । धर्मं मनूयात छम्ह
मेम्हनाप संहोगया भावनां मिलेजुयाः आनन्द च्वनेगु शिक्षा बिइ ।
धर्म-संस्कारय् जरु सौमित मजुसे थः यः चःयात पूजा यांनाः, थःगु
ग्रह दसा मदयेमा धकाः, छु ज्या जुइमा धयागु भावना, भाकल
पयानाः, शुभ-मंगल यायेत शान्ति स्वस्तिक आदि पूजा यायेगु चलन
दु । पूजा नं छगू हे कथं मजुसे गनं पूजा यायेगु याःसा, गनं यज्ञ,
होम यायेगुया नापनापं ब्राम्हण, संन्यासी, पवगि आदिपिन्त नकेगु,
दान बियेगु नं धार्मिक ज्या हे भाःपेगु यानातःगु खनेदु । अथेतुं चः
चःयाथाय् मालसामान तयेगु, चःया लुखाय् तोरण तयेगु, हिति,
बुगाः, देगः, फल्चा तयेगु नं धार्मिक खँया दुने हे लाःवः । चःचःपिन्त
बेली बियेगु, ब्रत च्वनेगु नं धार्मिक ज्याकथं लाः वः ।

थुकी उल्लेख जुयाच्चंगुकथं मल्ल जुजुपिनि तच्चतं मानय्
यानातःपि चःपि तलेजु, दुमाजु, भीमसेन, गणेश, भैरव, भगवती,
चण्डेश्वरी, तिलमाधव, बालकुमारी, इन्द्रायणी, चांगु नारायण,
मानेश्वरी, वासुकी नागराजा, कुमार, कुमारी, गुहेश्वरी आदि चः ।

पूजा यःइगुली ब्राम्हण पूजा, नाग पूजा, बलि पूजा, पाठ पूजा,
आपूजा, सिन्ह पूजा, जा पूजा, घण्टास्तान पूजा, पहर पूजा, चापूजा,
दुसर पूजा, मत पूजा, कलश पूजा, कोटल पूजा आदि चः ।

यज्ञ याइगुली विशेष यानाः ओहोरात्री, लक्षाहुति, भैरवाग्नि,
जल, अश्वय दान, बैज्याहुति, सिन्द्राग्नि यज्ञ, मांसाहुति यज्ञ आदि
चः । गंगाजल, समुद्रजल, पुखुया जल, वः वःगुया जल, च्वापुया
जल, ऊरणाया लः, दोभानया जल, दहमा जल, जमीन तःलय्दा
जल आदि पूजाय् लः छ्यःगु खनेदु । गुगु जल पूजा यायेमाल धाये-
साथं दयावइगु मखु । बखत बखतय् मुनातयेगु जुइ । अथे हे यज्ञ
याइबलय् नं विभिन्न थाय्थाय्था चा हयाः पूजा यायेगु चलन दु
गथेकि सपनीम्हुया चा, किसिया दन्तं लिकाःगु चा, प्यदुवातया चा,

फाया त्वाथं चतुर्चूगु चा, सा फयतूगु थाय्या चा, विष्णु क्षेत्रया चा, गुया चा, बुछुं म्हागु चा, अग्निहोत्रया चा, पुखूया चा, खुव्हना (खुसि संगम जूगु थाय्)या चा आदि। अथे हे यज्ञ याइबलय् थीथी सिं नं छ्यलेगु चलन दु।

ने. सं. ८०१ भाद्र पद शुक्ल चतुर्थीखुन्हु जितामित्र मल्ल व मेलम्ह जुजु (उग्र मल्ल) अनन्त व्रत सिधयेकल। ने. सं. ८०२ माघ शुक्ल चतुर्थी मंगलवारय् थंथु राजकुलोय भैरवग्नि यात। ने. सं. ८०४ वैशाख कृष्णपक्ष सप्तमीखुन्हु जितामित्र मल्लं १५० म्हा संन्यासीतय्त भवय् नकल। ने. सं. ८०५ चैत्र शुक्ल पञ्चमी सोमवारखुन्हु श्री ३ इलिमास पूजा यात। थ्व विस्केत जात्राबलय् याःगु खः।

पूजा याइबलय् राजदरवारया जुजु महारानीनिसें मेपि सर्व-साधारण जनता समेत छपुचलं हे छक्कलं पूजा यायेगु नं चलन दु। ने. सं. ८०६ आवणं पुरवाहालय् तःबली बिउबलय् जुजु, महारानी राजपरिवारया मेपि खलः, भाइ भारदार, जनता आदि छक्कलं बली बियाः पूजा याःगु खनेदु। थथे बली बियेगुली राजखलःया आपाः, मेपिनि म्हा जूगु खनेदु।

ने. सं. ८०६ भाद्र कृष्णपक्ष तृतीयाखुन्हु जितामित्र मल्लया किसि वय्चायाः वयात शान्ति याःगुया पूर्ण विवरण थुकी दु।

थ्व सफूकथं जितामित्र मल्ल छम्ह तच्चवं धार्मिक जुजु खः धकाः म्हासीके फु।

६. प्रतिस्थापन-

सफूकथं जितामित्र मल्लं प्रतिष्ठा याःगु थथे खनेदु। ने. सं. ८०१ वैशाख शुक्ल त्रयोदशीखुन्हु 'सनां छे'य् त्वहँया देगः प्रतिस्थापनाः अहोरात्री यज्ञ यात। ने. सं. ८०५ वैशाख कृष्णपक्ष द्वादशी

मंगलवारखुन्हु फल्चा प्रतिस्थापन यात । उकी फल्चा दयेकेत सिया हाकः ब्या, ग्वः आदिया पूर्ण विवरण दु । ने. सं. ८०४ कार्तिक कृष्णपक्ष एकादशीखुन्हु देगः प्रतिस्थापन यात । कार्तिक कृष्णपक्ष द्वादशीखुन्हु गजू तल । ने. सं. ८०५ बलय् स्थापित याः गु तलेजु चःया लुखाया तोरणयात माःमाःगु सिजः धिबा आदि थाय्थासं काःगु व ज्या यायेत माःपि ज्यामित व ज्यामितय् बिउगु ज्याला आदिया विवरण थुकी दु । ने. सं. ८०४ फाल्गुण कृष्णपक्ष चतुर्दशी खुन्हु तलेजुयाथाय् वह्या तोरं तल ।

“सं ८०४ फाल्गुण वदि १४ भौमादिन..... ओहो तोरण तयाया श्री ३ तलेगुस्के”

थ्व तोरं तःगुया लसताय् येँया जुजु खवपय् [‘थ्वते याया जुजु विज्याडा’] वःगु खनेदु । थुकथं तरेजु चोयाथाय् ने. सं. ८०४ फाल्गुण वह्या तोरं तल । ने. सं. ८०५ मार्ग कृष्ण नवमीकुन्हु तलेजु चुक्या दक्षिणपाखेया लुखाय् लु सियाः सिजःया तोरंतःगु खनेदु । थुकिया लागि ज्येष्ठ महिनांसिं थाय्थासं सिजः दुकाःगुया खँ सी दु ।

“सम्बत ८०५ ज्येष्ठ शुदि तोरण आरम्भ दिन सिजल दुकाया दिन”

थ्व तोरं दयेकेत येँनसिं तम्बः लीकःमि, सिँकःमि आदि कालिगदत क्रियेयाःगु खनेदु ।

१०. आर्थिक पक्ष-

थुगु इलय् जनताया मुख्य पेशा कृषि खः । बुँ ज्या सनेगुली तःसियागु बुँ म्हयनं ज्या सनाः उत्पादन ज्या याःम्ह म्हय्यात स्वयाः तःसियात आपाः फाइबा जुइकथं छगू प्रकार जूसां मेगु तःसि मदुगु बुँ अर्थात् थःहे म्हय् थःहे तःसि जूगु बुँ खः । थुकी उत्पादन फुक थःगुहे जुइ । थयं तःसि मदुगु बुँ वा तःसि दुगु बुँ निगुलीसं

नं जुजुयात छुं प्रतिसत कर स्वरूप पुलेमाःगु आवश्यक दु । थुबल्य् मुख्य उत्पादन वा व छो, तेलहन्य तू, पःका, हामो, आलस आदि खः । श्वया नापनापं भान्ता, पोलचा, फसि, तुकं, फकं आदि तरकारी जूसा केरा, तू, कटहर, तुसि, तःसि, ठमिस, भुयुफसि, सन्तलासि आदि फलफूल खः ।

मल्लकाल्य् घरेलु उद्योगया थाय् उच्चस्तर जू, गुगु जातीय पेशाय् केन्द्रित जुदाच्चंगु दु । थुबल्य् खनेदुगु घरेलु उद्योग्य् विशेष यानाः वां जाकि, छो छुचुं यायेगुया नापनापं छेय् छेय् तान तथाः कापः थायेगु लुं वह, ली सिजः कपे, सिं, ह्वहं आदि तिसा, माल-सामान मूर्ति आदि दयेकेगु खः । मल्लकालया घरेलु उद्योग थौतक्क नं श्वन्हायानाच्चंगुया दसु कीसं नेपाःगाल्यच्चंगु देगः, मूर्ति, दरबारय् खना हे च्वनातिनि ।

तःसिनं म्हुयाके बुँया उत्पादन कायेगु इलय् कायेगु मयासे तःसियात थःत माःगु इलय् कायेगु यानातःगु दु । गथे कि भूपतीन्द्र मल्लया इहिपाल्य् निर्दया वा छक्कलं दुकाल । थुबल्य् कालबिल यायेगु ज्याय् छगू वस्तुनं मेगु वस्तू ग्ययेगु वा ज्याला बियेमाःसा धिबा मबिसे वा, जाकि व मेगु छुं वस्तू बियेगु चलनया नापनापं धिबां नं कालबिल यायेगु याः । थुबल्य् डबल, मोह, शुकि व दाम धकाः प्यंगूकर्यया धिबाया व्यवहार बानातःगु खनेदु । हाकःगु दापु कायेगुली— कुच्छी, चुल्छी, पाख व औगुल जूसा वा, जाकि आदि दयेमाःसा— आढक, फं, त्यछि, कुलछि, पःछि, अस्ता आदि, तौलय्— धानीं, त्यल, कुल, पेल, वगल, बागल, अय्ताछि, तोला, रति आदि खः ।

न्हाव्वयागु सफुती चाया भांडाकुँडानिसें कयाः छ्यः कस्ति, कपू, लुं, वह, सिजः आदि बस्जाया बजार भाःनापं बियातःगु दु । गथे कि

सलिचा	१	कुया—	२	दां
अप	२	खःया—	१	दां

मे छम्ह	६ डबल
चिकं कूछियां	२८ दां
कस्ति पंल	५ दां
'पू १ ओह चुल्या मो २ शुकी १ दं ७ मूल'	
मो २ दं १० थान २ क्यामरबादि	

११. भाषा:—

थीथी ज्यायात मा:मा:गु हलंज्वलंया ल्या:चा:या धल: बिथेगु यानात:गुलि थ्व सफू बिशेष अछयन याये बह:जू तँजि खँव: (क्लासि-फायर वर्डस) या ख: । उकि थुकी छयलात:गु तँजि खँव:यात न्याबव याना: बवथला—

१. पुच: थुइगु तँजि खँव:
२. अंश " " "
३. दापु " " "
४. पूर्ण " "
५. बहुअर्थी " "

१. पुच: थुइगु तँजि खँव:— छगू स्वया: आपा: वहेतुं बस्तू वा मेगु हे बस्तू छथासं लाना छक्कलं ल्याखं कायेमाल धा:सा छयलिइगु तँजि खँव: पुच: थुइगु तँजि खँव: ख: । गथे कि (मेश) बथान, (पूजा) जोलन, (पूजा)कु, (तु) फे, पो (मोकसिर प्व:) ज्वा: (ऊवा:), कल्हे (सु कल्हे), धा (लप्ते धा) धे, माल आदि ।

२. अंश थुइगु तँजि खँव:— छथासं लानाच्चनीबलय ल्याखं कायेमछिगु वा ल्याखं काये जिउसां मेकथं हे कायेगु या:सा वहे बस्तू न्हापायागु थासं छुं अंश अलग जुलधायेवं स्पष्टकथं ल्याखं कायेगु जुइ, अज्या:गु तँजि खँव: अंश थुइगु तँजि खँव: ख: । गथे कि सँ, ल:, छयनं जुलधा:सा ल्याखं कायेमछि तर छपु अलग जुलधा:सा छपु निपु सँ धका: ल्याखं कायेगु जुइ ।

सफूकथं- फल (फः)- लाफल, त्वाक (त्वाः) कुश त्वाः
 खर (खः)- लाखर, कु- छवय्ला कु भादि ।

थन फल, त्वाक, खर, कु आदि अंश थुइगु तँजि खँवः खः ।
 थज्याःगु तँजि खँवः थाय् स्वयाः, प्रयोग स्वयाः हिले यः । दसु-
 'छवय्ला कु' थन 'कु' तँजि जूसा 'छवय्ला भेगः' धायेबलय् भेगः
 जूवल । थज्याःगु तँजि चलनचल्लीया तँजि खँवः खः । गथे कि भेगः,
 कसि, दाला, सलि आदि ।

३. दापु तँजि खँवः- गुगु बस्तू लनेगु जुइ, गुगु बस्तूखय्
 चि तयाः दायेगु जुइ, गुगु बस्तू छु थलय् तयाः दायेगु जुइ थज्याःगु
 फुकं ल्याखं कायेगु जुइगुलि थज्याःगु नाप वइगु तँजि खँवः दापु
 तँजि खँवः खः । उकि दापु तँजि स्वंगू किसिमया दु ।

दापु तँजि-		— क) लनेगु- अ(अस्ता), प्ल (पंल), तंग्र (त्यंल) तोला, रति, धानी आदि ।
		— ख) दायेगु- (थलय् तयाः)- आ, कु, फं, कुले, पासः आदि ।
		— ग) चि तयाः दायेगु- थान, कोछि, कोला, अंगुल आदि ।

४. पूर्ण तँजि खँवः- नाम खँवःनाप वइगु खँवलं नामया
 आकार प्रकरयात स्पष्ट जुइकथं ल्याखं कायेगु जुल धाःसा अज्याःगु
 तँजि खँवः पूर्ण तँजि खँवः खः । गथे कि, म्ह, गु, पु, ग्वड, थु, ता,
 भि [भेल], प्वल, पले, पवल, म्हूँफि आदि खः ।

५. बहुअर्थी तँजि खँवः- छगू हे तँजि खँवः बिभिन्न थासय्
 छयलिगु जुइ, गुगुलि छगू हे अर्थ मबिसे थीथी अर्थ विइगु जुइ ।
 अज्याःगु तँजि खँवः बहुअर्थी तँजि खँवः खः । गथे कि-

कु- — छव्याला कु (टुक्राया रूप्य)
 — कलमुल कु (कुले)
 — कापोल कु (कुच्छि)
 — सलै कु (सलि छकु-भारी)

ता- — सेसा ता (छगू स्वयां उप्पवः प्रकारया फलफूल)
 — माथा ता (आकारकथं)

त्याखं कायेबलय् तँजि खँवः स्वयां न्हापा त्याः खँवः वयेमाः
 अलेजक तँजि खँवः वयेमाः गु खः तर थुकिइ उल्लेख यानातः गुकथं
 गनं गनं थये हे जूसां आपाः तँजि खँवः न्हापा जुयाः त्याः खँवः
 लिपातिनि वयाच्चंगु खनेदु । गनं गनं त्याः खँवः जक छ्यालाः
 तँजि खँवः छ्यालेगु यानातः गु मदु ।

ख) थोथी भाषाया खँवः- थुकिइ नाम खँवः जक आपालं
 छ्यालातः गुलि विशेष नाम खँवः संस्कृत भाषा जुइगु स्वभाविक जुल ।
 उकिसं बिभिन्न छः यात बिभिन्न पूजा यायेगुलिइ ला उकिया आपाः
 धयाथें खँवः संस्कृत खँवः जुइगु स्वभाविक जुल । संस्कृत खँवः
 विशेष यानाः पूजा सामग्री, छः छः पिनि नां, संस्कार सम्बन्धी खँवः,
 आदि खः । गथे कि- दक्षिणा, जल, गोमय गोमुत्र, आढक, कुडब,
 फलप्राशन, चूडाकर्म, ब्रतवन्ध आदि तत्समकथं हे छ्यालातः गु दु ।

थुकिइ भरबी, फारसी भाषाया खँवः नं दुथ्यानाच्चंगु दु-
 धरत, मोहर, काजि आदि । अथेतुं नेपाली भाषाया खँवः नं
 दुथ्यानाच्चंगु दु- खुरसानि, भेट आदि ।

१२. अन्तर-राज्यीय सम्बन्धः-

मल्ल जुजुपिसं राज्य यानाच्चंगु राज्य येँ, यल व ख्वपनाप
 थोथीकथं सम्बन्ध दुगुया नापनापं ख्वपया राज्य गोरखा नुवाकोट
 नाप नं सम्बन्ध दुगु न्हयथनागु सफूपाखें सीदु । ने. सं. ८०६

गोरखा व नुवाकोटया दथुइ त्वापु जुयाः थुमि निगू राज्यया सन्धि
नेपाःगालय् जुगु खनेदु ।

“सं ८०६ पौष वदि ७ गा.देश भेटजुव दिन ॥ गाइखारि वा
संग्रामजुया नक्वाकोट”

गुगु सँ मेमेगु सामग्रीं नं स्पष्ट यानातःगु खनेदु । सफूकथं
क्वातुगु अन्तर राज्यीय सम्बन्ध येँ, यल खवप हे खः । छगू राज्यं
मेगु राज्यनाप सम्बन्ध तयेगुली धार्मिक ज्या खँ गथे कि— देगः
तयेगुलिइ, विभिन्न धर्मकर्म यानाः पूजायाःगु लसताय्, संस्कार सम्बन्धी
ज्या खंय्, गथे कि दरबारय् दुने छुं नं कर्मकाण्ड दिवाह, चूडाकर्म,
ब्रतबन्ध आदि थज्याःगुलिइ जुजुपाखें, जुजुया परिवारपाखें, राज्यया
जनतापाखें ‘सेवा कु’ छ्वयाः आर्थिक सहयोग छगूपाखें जुयाच्चंसा
मेगुपाखें कर्मकाण्डय् यायेमाःगु व्यवहार ‘बाधां छुयेगु’ थें ज्याःगु
यानाः सम्बन्ध तयेगु यानातःगु दु ।

अथेतुं छुं उत्सवय् छगू राज्यदुने प्याखं हुयेकेगु उत्सव
यात धाःसा व उत्सवय् छगू राज्यं मेगु राज्यया जुजु, जनतापाखें
प्याखं छ्वयाः ब्वति कायेकेगु यानाच्चंगु खनेदु ।

दरबारय् दुने जुजुपिनि धर्म कर्म यायेगु मनसुवाःकथं छगू
राज्यया जुजुपिनि जुलधाःसा मेगु राज्येच्चंपि ब्राम्हण, संन्यासी, पर्वगि
आदिपिन्त सःताः दान व भोजन याकेगु नं यानाच्चंगु दु ।

राज्य दुने जात्रा, उत्सव जुलधाःसां जात्रा स्वयेया लागि छगू
राज्यं मेगु राज्य वनेगु चलनया नापनापं राज्याभिषेक बियेगुलिइ
क्रमवद्धताकथं पाय्छि मजुइक राज्यभिषेक बियेगु जुलधाःसा अन
अज्याःगु ज्या याकेमबिसे परम्पराकथं तःधिकःम्ह काय्यात हे राज्या-
भिषेक बियेगुलिइ मेगु राज्यं गुहालि याःगु खनेदु । गुगुलि यानाः
राज्यय् दुने मिलय् मजुइक छुं हे व्यवस्था जुइफइमखु । यदि छुं

गडबड जुनधाःसा अन वया जलाःखलाःया जुजुपि वनाः हस्तक्षेप
यानाः परम्पराकथं हे यानां तु त्वःतकिगु खनेदु । गथेकि प्रताप मल्लया
मृत्यु धुकाः ताःधिवःम्ह काय् नृपेन्द्र मल्लयात राज्याभिषेक मन्त्रिसे
महीपतिन्द्र मल्लयात राज्याभिषेक बियेगु इच्छा, तर यलया जुजु श्री
निवास मल्ल वनाः परम्पराकथं हे नृपेन्द्र मल्लयात हे राज्याभिषेक
बियेके बिल । गुबलें गुबलें जुजुपिनि दथुइ वैमनस्यता वइबल्य धाःसा
छगू राज्य मेगु राज्यया जात्रा वा नखःचखः हनेत वंनि जनतातय्त
लित छवयामहसे अथेतुं राज्यदुने हे कुनाः जनतातय्त दुःखः
बियेगु नं झानातःगु मडुगु मखु ।

१३. थाय्बाय्था नां:-

खवपया त्वाः लाछि, गां-गांया नांया नापनापं ये, यलया नं
आपालं थाय्था नां उल्लेखः थुकी जुयाच्चंगु दु । थुकी उल्लेख जुया-
च्चंगुयाकथं काठमाडौं उपत्यका (नेपाःगाः)यात गाःदेश धकाः धायेगु
यानातःगु खनेदु । थुकी उल्लेख जुयाच्चंगु थाय्बाय्था नामं न्हापा
उगु थाय्था छु नां धकाः स्पष्टकथं सीदु । अनं थौंकन्ह्य वहे नां
कायम जुयाच्चन वा मेगु पात धयागुलिइ तुलनात्मक अध्ययन यायेत
महत्वपूर्ण जू । थुकी उल्लेख जुयाच्चंगु छुं छुं थाय्था नां थथे खः-
भोट, पनौती, धरिखेल, खनपु, यं, यला, नकदेश, चागु, चपलिगाम,
बुदे (वोडे), नमोबुद्ध, अछे, क्वछे, दत्तालाछे, किन्व आदि खः ।
यक्व वस्ती व आर्थिक सम्पन्नगु थाय् ये, यल खवप, धुरिखेल, पनौती,
भोट व ठिमी खः । नाला नकदेश निम्नस्तरया खः ।

लिखे-

साधारणकथं अध्ययन यानाः खनेदुगु विशेषता थथे खः ।
यदि थुनियात हे नं दुनेथ्यंक अध्ययन यानावनधाःसा थ्व स्वयां आपाः
विशेषता लुयाजयेकु । धलःगौ तयेगु चलन विशेष यानाः लिच्चःगु

मल्लकालय् वयाः लोकप्रिय जुल । उकिं उगु ईया छुं नं विषययात
कयाः यदि अध्ययन यायेमाःसा तःधंगु ग्वहालि धलःपौ खः ।
राष्ट्रिय अभिलेखालयस सलंसः थज्याःगु धलःपौ बहीया नामय् दर्ता
जुयाच्चंगु दु । उकियात अध्ययन यायां प्रकाशित यायां वनेशु
आवश्यकता खनेदु । यदि थये यानांतु वनेफतधाःसा मल्लकालया
ब्याक्क खै स्पष्ट जुइ ।



जितामित्र मल्लया पाल्या छुं तिथिमिति

नेपाल राष्ट्रिय अभिलेखालय आपालं 'धरत' ग्रन्थ दु । गुगु बहीया रूप्य तयातःगु दु । अन दुगु आपालं 'धरत' ग्रन्थ मध्यय थन छाजक 'धरत' ग्रन्थय उल्लेख जुयाच्चंगु तिथिमिति न्ह्यब्वये त्यनागु दु । लगत नम्बर २२५५ चौथो 'धरत' ग्रन्थ पौ पौ छुतय जुयाः प्रकीर्णया रूप्य पाको भ्वैतय निखें हरिताल पानातःगु १३.५ इञ्च हाकः व ४.५ इञ्चया ब्या दुगु प्रचलित नेपाल लिपि च्वयातःगु सफू खः । थुकी प्रत्येक पौया निखें च्वयातःगु प्रत्येक पती न्ह्यङ्गवः न्ह्यङ्गवलय च्वयातःगु खः । प्रत्येक ळवलय खालासाला ३६ ग्वः आखः दु । थुकी ल्या २ निसें ४०६ तक्क उल्लेख जुयाच्चैसां जम्मा १८६ पौ जक दु । सफूया दथुइ दथुइ आपालं आपाः पौ मदु । उकिइ मध्यय आपालं पौ ल्याः मदुगु पौ ल्याः १२ निसें १६८ तक्कया खः । मेमेथाय छपौ निपौ, प्यपौ न्यापौजक खः । शंकरमान राजवंशीजुया "भक्तपुरका मल्ल राजासंग सम्बन्ध राख्ने धरःपौ (लगत) को केही ऐतिहासिक सारांश" [पूर्णिमा १६ पु. ३६५-३७१] य न्ह्यब्वयातःगु 'धरत' ग्रन्थया पतिइ पतिइ स्वयेबलय गुगु अभिलेखालयस च्वंगु 'धरत' ग्रन्थया आपालं मदुगु १२ निसें १६८ तक्क गुगु मदुगु पति खः छुं छुं पौ उकिइ खनेदु । हानं अभिलेखालयस च्वंगु 'धरत' ग्रन्थय उल्लेख यानातःगु तिथिमिति, विषयवस्तू, थाय्बाय् आदि राजवंशीजुया लेख्य न्ह्यब्वयातःगु छगू हे तुं खनेदु । वय्कलं उगु लेख कविवर श्री सिद्धिचरण-

ज्यु पाखे 'धरत' ग्रन्थ प्राप्त याना धकाः उल्लेख यानादीगु जुयाच्चन ।
कविवरयाके च्वंगु 'धरत' ग्रन्थ व अभिलेखालयस च्वंगु उगु 'धरत'
ग्रन्थ छगुलिइ मेगु पूर्ण याइगु खः । थ्वहे खैय् कविवरयाथाय् छेय् अनं
धनादीगु इलय् ब्यलय् उगु सफू स्वयेया लागि आपालं वना तर जिगु
इच्छा पूर्ण मजू । अथेजूसां अनया धरःपौ छुं छुं पूर्णिमाय् (१३-१६
अङ्क) प्रकाशित जूकथं निगू धरत ग्रन्थया आकारप्रकार विषयवस्तू
थाय्बाय् फुकं छगू हे तुं खः । [स्वयादिसं पूर्णिमा, १३; ८-१५]
छगू निखे लानाच्चंगु खः । सिद्धिचरणज्युया धापूकथं वय्कलं वय्कःयाके
च्चंगु ग्रन्थ वय्कःयात ख्वपयाम्ह छम्ह मनुखं वय्कः नं ख्वपयाम्ह हे
जूगुलि बिउगु खः घका धयादीगु खः । उगु निगू ग्रन्थय् नं ख्वपया
जुजुपिनि, विशेष यानाः जितामित्र मल्लया पालय् जूगु घटनायात
टि.टो.ट यायेथे यानाः च्वयातःगु खः ।

'धरत' ग्रन्थया शुरू 'अवर कु २' [२ क] निसें 'स्वान माल'
[४०६ धुंकाः] खैवलं अन्त जुयाच्चंगु दु । ने. सं. ७२४ निसें शुरू
जूसां क्रमवद्धताकथं वनाच्चंगुली ने. सं. ७६४ निसेंया खः । ने. सं.
८०० निसें ८१० तकया मितिया कथंहंक वााच्चंगुली ने.सं. ८०२ या
मितिया छगू हे धलः मदु । आपाः तिथिमितिया धलः दुगुली ने. सं. ८०१,
८०३, ८०४, ८०६, ८०७ या खः । ने. सं. ८१० या तिथिमितिया
धलः धुंकाः दथुइ दथुइ मेगु सालया तिथिमिति मवसे छक्कलं हे ने. सं.
८१६ या खनेदु । थुकी दुनेच्चंगु तिथिमिति थथे खः— गुगु धरपती
पौया ल्याखय् कथंहंक वःथेतुं खः । तिथिमितिया क्रमवद्धता गनं गनं
मिलय् मजू, न्हापाया लिपा, लिपाया न्हापा उल्लेख जुयाच्चंगु दु ।
गुगुलि धरःपौ गुबले गथे च्वलजुइ धयागु अनुमान याये छि । घटना
धुंकाः लिपा महत्त्वपूर्णगु धलःजक संकलन यानातःगु धकाः तिथिमिति
क्रमवद्धता मिलय् मजूगुलि नं सीदु ।

१. इति श्री ३ वंशिधर पतिथा याडाया धरत संपुन ॥ संबत ७२४
ज्येथ शीवं होमयाडा रिचुययाता होम जोलन

३. श्री श्री जय जितामित्र मल्ल जुजुया थाकुरजुया फलप्राप्तनया ॥
सम्बत ७९४ पौष शुदी ५ श्व कुन्हु याडा ॥ श्री श्री नन्दिनि
थकुनिया एहेयाडाया जोलन मार दयका ॥ एहेयाडा थाय् सदाशिव
मल्लजुया चुकत याडा ॥
३. श्वेत भैरव वाहान मालको श्वते इकुप्याखनया, चा, न्हिस याता
सामा विया, श्री श्री सुमति जय जितामित्र मल्ल देवसन यिकु-
प्याखन बसत हेरका बालकुमारी हुयका पूजा छोय् वीयका श्वतेया
धरत दिन सम्बत ८०१ फाल्गुण शुदि १३ प्याखन ॥
४. श्री ३ भैरवसके पूजा धरत, श्री श्री सुमति जय जितामित्र मल्ल
देवसन पंचोपचार पूजा याडा दिन पूजा जोरण पंचोपचारय्,
सम्बत ८०१ फाल्गुण शुदि १२ ॥ ॥
५. सम्बत ८०० आषाढ कृष्ण तृतीया आदित्यवार कुन्हु जल्हा
प्याखन हुयका मूल चुकस
६. सं. ८०१ आषाढ कृष्ण ७ शनिश्चर श्री ३ भैरवस्के महादीप पु ३
छोचका
७. सं. ८०१ श्री परादेव्यै नमः ॥ श्री ३ चण्डेश्वरी पूजा ॥
८. सं. ८०१ श्री ३ परदेवतायै नमः ॥ श्री भगवती पूजा ॥
९. सं. ८०१ आषाढ कृष्ण ॥ भगवतिस्के पूजास हाडा ॥
१०. सम्बत ८०१ भाद्र पद शूक्र चतुर्दशी अनन्त व्रत धुनका ॥ श्री श्री
सुमति जय जितामित्र मल्ल जुजुस ॥ श्री श्री मेलम्हं जुजुस धरम
धुनकाया ॥ चोन्वाथं भंदिरनहा कोन श्वते ॥
११. श्री श्री सुमति जय जितामित्र मल्ल देवसन भैरवाग्नि यज्ञ
याडाया धरत ॥ सम्बत ८०१ कार्तिकया न्हि थाड्या जोरण ॥
धरमया ॥
१२. सम्बत ८०६ माघ शुदि १५ मो ३० पि पोडा ॥

१३. सम्बत ८०३ मार्गशिर शुक्ल पंचमी शृक्वार थ्व कुन्हु श्री ३ रेवञ्ज
स्थापना ॥
१४. सम्बत ८०३ चैत्र कृष्ण द्वादशी थ्वकुन्हु श्री श्री सुमति जय जिता-
मित्रनं थमयाङ्ग सिद्राग्नि होमया जुरो ॥
१५. सम्बत ८०३ श्रावण कृष्ण चतुर्दशी दिन ॥ होम जोरण
१६. सम्बत ८०३ भाद्र पद शुक्ल पञ्चमी श्री ३ भैरवजुस्के प्रतिष्ठा
याङ्ग श्री श्री सुमति जय जितामित्र मल्लन दुवने याता भेदिङ्गाभि
१७. सम्बत ८०३ भाद्र पद द्वितीया गोतावपि प्रतिष्ठा याङ्ग जलयज्ञ
श्री श्री सुमति जय जितामित्र मल्लन ॥ थ्वयाता सामग्री ॥
१८. श्री ३ भावान्यै नमः ॥ सम्बत् ८०४ कार्तिक वदि ५ अंगार
दिन, अग्नि स्थापन कुन्हुयात दयके लक्ष्याहुतिया ॥
१९. कार्तिक वदि ११ देवस्थापन द्वादशी गजूर छा दपचो सं. ८०४
कार्तिक वदि ६ यज्ञ याङ्ग ॥
२०. खसमगलया सेवा कु हव ॥ सम्बत ८०४ कार्तिक वदि भोतया
सेवा कु
२१. सम्बत ८०४ फाल्गुण शुदि ५ आदित्यवार कुन्हु श्री श्री भूपतीन्द्र
मल्ल देवया चुडाकर्णया पिठि पूजायाता वसपे ॥ पूजा जु
२२. सम्बत ८०४ फाल्गुण शुक्ल चुडाकर्णया यंया सेवा कु काया ॥
२३. सम्बत ८०४ फाल्गुण शुदि ५ आदित्यवार श्री श्री थाकुलजुया
चुडाकर्ण याता सेवा कु भोतया हव
२४. सम्बत ८०४ फाल्गुण वदि ५ पूजा दिन ॥ श्री ३ देव्यायै नमः ॥
२५. सं. ८०४ फाल्गुण वदि १४ भौमा दिन
२६. सं. ८०४ वैशाख वदि ७ शृक्वारे दिने श्री श्री सुमति जय
जितामित्र मल्लन सन्यासि भोजन याका दिन

२७. श्री श्री श्री भीमसेन पूजा श्री श्री सुमति जय जितामित्र मल्लनं थमं
याडाया धरोत ॥ श्री ३ महागणेशाय नमः ॥ सं ८०४ वैशाख
शुदि ८ आदित्यवार

२८. श्री ३ इलिमास विस्वयातम पूजा याडा, श्री ३ सिद्धिगणेशाय
नमः ॥ श्री श्री सुमति जय जितामित्र मल्ल देवसनं पूजा याडा
धरोट जुरो, सं ८०४ चैत्र वदि १२

२९. श्वते गृह्या दान ॥ ॥ श्री ३ गणेशाय नमः ॥ सं ८०५ मार्ग-
शिर वदि ६ शनि ॥

३०. सम्बत ८०५ पौष शुदि ४ मकर संक्रान्ति श्व कुन्हु श्री ३
इन्देश्वरसके श्री श्री सुमति जय जितामित्र मल्लन अभगस्नान
महानैवद्य, रूद्र वलि याडा जुरो ॥

३१. श्री २ थाकुलजुस एहेया भोज बिया सम्बत ८०७ भाद्र वदि
१ अनराउत

३२. समय दयकाव ॥ श्री ३ दुमाजुस्के पूजायाडा नलि पूजा न्हयाय
जुरो श्वते चण्डेश्वरीया पूजा विधि क्रमन श्वते ॥ ॥ श्री ३ गणेशाय
नमः ॥ श्री ३ इलिमास पूजा ॥ सम्बत ८०५ चैत्र शुदि ५
सोमवार ॥ पूजा जोरण श्री ३ चामुण्डाया ये दयके ॥

३३. सम्बत ८०५ वैशाख शुदि १२ श्री श्री सुमति जय जितामित्र
मल्लनं खि, बहुल, ताल दुतयाया ॥ इकुन प्याखनया ॥

३४. श्री ३ महागणेशाय नमः ॥ सम्बत ८०५ वैशाख वदि १२
अंगार वार, श्व कुन्हु फले वपि प्रतिष्ठा दिन जुरो ॥

३५. सम्बत ८०५ ज्येष्ठ शुदि १० श्व कुन्हु श्री श्री सुमति जय
जितामित्र मल्ल देवसन थमकुक्षिकाग्नि महाकर्माचन याडाया
जुरो ॥

३६. पूजा दिन सं ८०५ माघ शुदि श्रीपञ्चमी बृहस्पतिवार, श्री श्री

सुमति जय जितामित्र मल्लनं, गाठ दुताया वसपे, चोनस याता ॥
श्री ३ नाटेश्वर सके पूजा

३७. सं ८०५ माघ शुदि ५ बृहस्पतिवार सुथायाता घण्टास्नान पूजा
३८. सम्बत ८०५ माघ शुदि ५ बृहस्पतिवार वाह्निवाता धुनके माल ॥
३९. सं ८०५ माघ शुदि सप्तमी शनिश्वरवार जन्मदिनया भोज ॥
४०. दिन सम्बत ८०५ माघ शुदि, श्रीपञ्चमी सुथायातं
४१. सम्बत ८०५ माघ वदि १५ पहर पूजायात, जागेश्वरया
४२. सम्बत ८०५ आषाढ वदि ९ अंगारवार ध्व कुन्हु, श्री ३ भैरवस्के
पूजा दिन जुरो ॥
४३. सम्बत ८०५ आषाढ वदि १० बुधवार कुन्हुयाता ॥
४४. सम्बत ८०५ आषाढ वदि ७ आदित्यवार कुन्हु श्री ३ भीमसेन
पूजा ॥
४५. सम्बत ८०५ आषाढ वदि ८ सोमवार कुन्हु याता ॥
४६. सम्बत ८०५ आश्विन शुक्ल १२ श्रीश्री सुमति जय जितामित्र
मल्लदेव, श्री २ पद्मावति देवी अगस्त व्रत उद्यापन याङ्गया ॥
४७. सम्बत ८०५ ज्येष्ठ शुदि ८ तोरण आरम्भ दिन सिजल दुकाया
दिन
४८. सम्बत ८०६ मार्गशिर वदि ९ सुकुल ध्वाखा
४९. सम्बत ८०६ मार्गशिर वदि ९ जन्मदिनया
५०. सं ८०६ पौष वदि ७ गादेश भेतजुव दिन ॥ गारखारि वा
संग्राम जुया-तक्वाकोट
५१. सकल डवल वाङ्गया उथेड जुरो ॥ सम्बत ८०६ माघ वदि ५
श्री २ थाकुलजुया बुदान तयाया धरोत ॥
५२. सम्बत ८०६ माघ शुदि १ मोटं ६० भागिराम भाजुयाके काया ॥

५३. सं ८०६ वैशाखन संक्रान्ति कुन्हु माया सादान ।
५४. सम्बत ८०६ माघ वदि ५ श्री २ थाकुलजुया ब्रतवन्धन, याया श्रीजुजुया ।
५५. सं ८०६ माघ शुदि ८ श्री २ थाकुलजुया बुदानयातं माघे छुडा दिन ॥
५६. सं ८०६ मार्गशिर शुदि १४ धरण दुताया था पूजायाता माघे छुडा दिन
५७. सं ८०६ माघ वदि ५ श्री २ थाकुलजुया बुदानयाता खसमगलया सेवा कु हवा ॥
५८. सम्बत ८०६ माघ वदि ५ बुदानस हाडा
५९. श्री २ थाकुलजुया बुदानया धरोट संग्रहयाडमुडाव तया ॥ थ्वते क्रमनं थनातो जुरो । मूलशिरयातां सं ८०६ माघ शुदि ११ सोमवार थ्व कुन्हु दिन ॥
६०. श्री ३ सिद्धिगणेशाय नमः ॥ सं ८०६ फाल्गुण शुदि १५ रवि दिन श्री ३ इन्द्रायणि सके पंचोपचार पूजा
६१. सं ८०७ मार्गशीर वदि ९ सोमवार श्री २ सुमति जय जितामित्र मल्लनं गोशत दान याडाया होम जोलन
३२. सं ८०७ मार्गशिर वदि ९ सोमवार थ्वकुन्हु दिन
६३. सम्बत ८०६ श्रावण वदि १३ तव ब्रम्ह भोजयात सुवारयाके भोजयाता दयका ॥
६४. सं ८०६ श्रावण वदि भोजयात शिव हरिनं दामा हाडा ।
६५. सं. ८०६ श्रावण वदि २ ब्रम्हभोजयाता दाम फोडा दिन ॥
६६. सं ८०७ वैशाख वदि आदित्यवार था पूजा जुजुया सोसम दुथा
६७. श्री ३ तेलुस्के थापूजा फ्याडा वनया था सं ८०७ फाल्गुण वदि

१५ श्री २ जुजु मछिङ्या

६८. श्री २ सुमति जय जितामित्र मल्ल भारदिसमत, मदारसाहरन
प्याखनया धरोत ॥ सं ८०७ आषाढ वदि ५ श्री २ भूपतीन्द्र
मल्लया विवाहा यात ॥

६९. सम्बत ८०७ आषाढ वदि ८ अहोरात्र यज्ञ जोरण ॥

७०. अहोरात्र यज्ञ याङ्गया विधि जुरो सम्बत ८०७ आषाढ वदि १२
करुगया विधि वसपे ॥

७१. सं ८०७ ज्येष्ठ शुदि १५ पमातिस श्राद्धन ब्रम्ह भोजया

७२. शुभ विचाल, श्री २ सुमति जय जितामित्र मल्लदेवसन जगन्नाथ-
याके खं ध्वते श्री २ थाकुलजुस एहेयाता सेवा कु सम्बत ८०७
भाद्रपद शुदि १३ थेनके माल ॥ शुभ ॥

७३. ध्व धरोट सेवा कु वनपाङ्ग लिता जोङ्ग वय माल भोतया ॥ शुभ ॥
विचाल श्री २ सुमति जय जितामित्र मल्ल देवसन ॥ ध्वकम्ह-
याके खं ध्वते श्री २ थाकुलजुस एहेयाता सेवा कु सं ८०७
भाद्रपद शुदि १३ थेनके माल ॥

७४. पनातिया ॥ शुभ ॥ विचाल श्री २ सुमति जय जितामित्र
मल्लसन श्री २ थाकुलजुस एहेयाता सेवा कु, संग्राम सियाके खं
ध्वते ॥ भाद्रपद शुदि १३ सं ८०७ थेनके माल ।

७५. ध्व पत्र सेवा कु वनपां हयमाल खनपुयाः ॥ शुभ ॥ विचाल
श्री २ सुमति जय जितामित्र मल्ल देवसन मोहोनयाके खं ध्वते ॥
श्री २ थाकुलजुस एहेयाता सेवा कु सम्बत ८०७ भाद्र पद १३
थेनके माल ॥

७६. ध्व पति लिता हयमाल नालाया ॥ शुभ ॥ विचाल श्री २ सुमति
जय जितामित्र मल्ल देवसन पूर्वराययाके खं ध्वते श्री थाकुलजुस
एहेयाता सेवा कु सम्बत ८०७ भाद्र शुदि १३ थेनके माल ॥

७७. श्व पत्र सेवा कु वनपा हयमाल चोववाठया ॥ शुभ ॥ विचाल
श्री २ सुमति जय जितामित्र देवसन मेलुयाके खं श्वते श्री २
थाकुलजुस एहेयाता सेवा कु सम्बत ८०७ भाद्र शुदि १३
थेनके माल ॥

७८. श्व पत्रन पाङ जोडाव वय माल बुदेया ॥ शुभ ॥ विचाल श्री
२ सुमति जय जितामित्र मल्लदेवसन दण्डपाणियाके खं श्वते ॥
श्री २ थाकुलजुस एहेयाता सेवा कु सं ८०७ भाद्र पद शुदि १३
थेनके माल ॥

७९. श्व पत्र लिता हय माल, थेमिया श्वते ग्रामया सेवा कु कायाया
घरोट थनोता जुरो ॥ सम्बत ८०७ भाद्र पद वदि १३
थाकुलजुस एहेयाता हाडा ॥

८०. सम्बत ८०८ कार्तिक वदि ४ आदित्यवार इनाय छविज्याडा

८१. सम्बत ८०७ भाद्र वदि १ श्री २ थाकुलजुस एहेया घासा

८२. श्वते पञ्चन याका जुरो ॥ सं ८०७ भाद्रपद वदि १ श्री
थाकुलजुया एहेयाता हाडा ॥

८३. सम्बत ८०८ भाद्र वदि ८ भादिल बिया ॥

८४. सम्बत ८०८ भाद्र वदि १ मेश म्ह १ दपचो मूल मोटं १५ श्री
३ दुलमाजुस्के लोडा दुसल पूजा कुन्हु

८५. सं ८०८ भाद्र शुदि १४ एहेया मेशया ला

८६. श्री ५ थाकुलजुया एहेया भोज बिया सं ८०८ भाद्र वदि १ त्वाच
जुनेम्ह फुकिजयात

८७. सम्बत ८०८ भाद्र वदि १ श्री थाकुलस एहेया भोज बिया
सन्यासि म्हं २५०

८८. श्री २ थाकुलजुस एहेया भोज बिया सम्बत ८०७ भाद्र वदि १
अनु राउत

८९. सं ८०७ भाद्र वदि १ श्री थाकुलजुस एहेयाता यंया सेवा कु
दुकाया ॥
९०. सं ८०७ भाद्र वदि १ श्री २ थाकुलजुस एहेया बुदेया सेवा कु
दुकाया
९१. सम्बत ८०७ वदि श्री २ थाकुलजुया एहेया सेवा कु दुकाया
महासिथापा ।
९२. सम्बत ८०७ ज्येष्ठ आषाढ वदि १० श्री २ थाकुलजुस एहेयाता
मारे छुडा दिन मो ४५ घेलयाता पि फोडा फं ४५
९३. सम्बत ८०७ भाद्र पद शुदि ७ मोटं १८ छोचुन मारे कचनरियाता
पिफोडा ॥
९४. सम्बत ८०७ ज्येष्ठ आषाढ शुदि १ मोटं ६०० फोडा भाजुयाके ॥
एहियाता चिता याययाता भंसालि तकसालीया
९५. सं. ८०७ भाद्र शुदि १ श्री २ थाकुलजुस एहेयाता काया कापोल
दुय भंसालियाके ।
९६. श्री ३ महागणेशाय नमः ॥ सम्बत ८०८ कार्तिक वदि ४
आदित्यवार विवाहाया इनाप छोया धरोत ॥ थ्व कुन्हु ॥
९७. सम्बत ८०७ भाद्र वदि व दामहाडा छोया एहेयाता ।
९८. सं. ८०७ भाद्र वदि १ श्री २ भूपतीन्द्र मल्ल थाकुल जुस एहेयाता
हाडा मोरं ३९ बजस चितायाक विया ।
९९. सम्बत ८०८ कार्तिक आश्विन वदि १५ श्री २ भूपतीन्द्र मल्लया
दीक्षायाता
१००. सम्बत ८०७ आश्विन वदि १५ श्री २ थाकुलजुस दिक्षान हाडा ॥
१०१. सं. ७९६ ज्येष्ठ वदि १५ दिक्षान दुगु काया दिन
१०२. सं. ८०७ आश्विन वदि १५ दिक्षा मोटं ५०० जयमुनि विया
दिक्षा यातं ॥

१०३. सम्बत ८०६ भाद्र वदि ३ किमिया मत्त जुयाब सांति याङा श्री
२ सुमति जय जितामित्त मल्लन जययाता

१०४. श्री ३ महागणेशाय नमः ॥ सम्बत ८०६ श्रावण शुदि पादु
आदित्यवार कुन्हु दिन व वन्हि श्री २ सुमति जय जितामित्त
मल्लन पुरवाहार बलि विय काया ॥

१०५. सम्बत ८१० पौष शुदि ५ श्री ३ आकाश भैरवसके मासाहुत,
यज्ञया वोसपे जोरण खुला होमया

१०६. सम्बत ८०१ वैशाख शुदि ३ संडा छेया रोहो देवल प्रतिष्ठा
अहोरात्र यज्ञया होम जोरण ।

१०७. सम्बत ८१६ ज्येष्ठ वदि १० श्री २ सुमति जय जितामित्त
मल्लदेवन थमसिन्द्रा होम याङाया ॥ थम चक्रउल ॥



मल्ल जुजुपिनि दीक्षाय् छपुलु

मल्ल जुजुपिनि धार्मिक ज्या मध्यय् छगू गुरू-पुरोहितपाखें शुभदिनखुन्हु दीक्षा न्यनेगु खः । थ्व दीक्षा कायेगु वा न्यनेगु ज्या मल्ल जुजुपिनि परम्पराकथं यें वयाच्चंगु खनेदु । दीक्षा न्यनेबलय् विशेष याना सूर्य ग्रहणय् न्यनेगु चलन दु । मल्ल जुजुपिसं ग्रहणयात तःधंगु स्थान बियातःगु दु । ग्रहणं ज्वनिगु, ग्रहण ज्वनाच्चनिगु ई ब ग्रहण त्वःतिगु ई स्वयेगुली स्बनिगःयापि ज्योतिषतय्त धेंधेंबल्लाः याकाः पाय्छिकथं ग्रहणया विवरण बिइफुम्ह ज्योतिषयात दरबारं कदर यायेगु चलन नं दु । ग्रहणय् दान, धर्मकर्म यायेफत धाःसा तःधंगु पुण्य लाइ धयागु मल्ल जुजुपिनि धारणा दु । मन्त्र शास्त्रय् सूर्य ग्रहणय् दीक्षा धार्मिक ज्या यायेव तःधंगु पुण्य लाइ धकाः उल्लेख यानातःगु दु ।

“गार्ग्यसंहितायाम निन्दितेष्वपि मासेषु दीक्षोक्तगृह्णे शुभा ।
सूर्यग्रहणकालस्य समानो नास्ति भूतले ॥
तत्र यत् यत् कृतं कर्म अनंतफलदं भवेत् ।”

[पुरश्चर्यार्णस द्वितीय तरङ्ग]

दीक्षा न्यनेगु साइत मदुगु पहिनाय् यदि सूर्य ग्रहण दतधाःसा साइत हे मस्वसे उगु ग्रहणय् दीक्षा न्यने जिउ । छायाधाःसां सूर्य ग्रहणय् न्यनेगु दीक्षा तसकं भिगु खः । उकिं हे मल्ल जुजुपिसं दीक्षा

सूर्य ग्रहण जुल धायेवं कायेगु याः । मल्ल जुजुपिनि दीक्षा निगूकथं
 कायेगु यानातःगु खनेदु । छगू ग्रहणय् कायेगु जूसा मेगु मू-देखा धकाः
 खः । यदि मू-देखा हे सूर्य ग्रहणय् कालधाःसा मेबलय् कायेगु यानातःगु
 मदु । यदि सूर्य ग्रहण मखुबलय् मू-देखा कालधाःसा सूर्य ग्रहण जुल धायेवं
 हानं छकः नं दीक्षा कायेगु यानातःगु खनेदु । ने. सं. ७९६ ज्येष्ठ
 कृष्ण औंसी बृहस्पतिवार मृगशिरा नक्षत्रय् सूर्य ग्रहण जुल । थुबलय्
 ख्वपया जुजु जितामित्र मल्ल व उगू मल्लं मू-देखा न्यन । येया
 जुजुया दाजुकिजापि नृपेन्द्र मल्ल, पार्थिवेन्द्र मल्ल व महीपतीन्द्र मल्लं
 साधारण देखा न्यनेगु याःगु खनेदु ।


“सम्बत ७९६ ज्येष्ठ कृष्ण ॥ अमावाश्य, मृगशिरानक्षत्र,
 बृहस्पतिवार, श्वकुन्हु सूर्यगास जुरो, श्व गास ख्वपया जोशिन खु
 अंगुलि जोनिव उत्रगास धार, उगमालन गु अंगुलि जोनीव, दक्षिण
 गास धाया, ख्वपयापनिस झुथा जुव, उगमालन धायेथे व्यक्त याङ
 गास खने देव श्वगुलि गाससं सिद्धान्त राहुन, प्रमान याङाव ख्वपया
 झुथा जुर, खण्डखाद्या राहुन, उगमालया सहि जुर ॥ श्वगुलि गाससं
 यया येसं श्रीश्री नृपतेन्द्र मल्ल श्रीश्री पार्थिवेन्द्र मल्ल श्रीश्री महीपतेन्द्र
 मल्ल श्वपनि स्वम्ह फुकिजया श्री ३ तरेज्या दीक्षा काया दिन
 गुरू मनोहरराज उपाध्याजु ॥ श्वकुन्हु ख्वपया राजाया ख्वपसं
 श्रीश्री जितामित्र मल्ल श्रीश्री उगू मल्ल श्वपनि नेम्हसं दीक्षा काया
 दिन, गुरू धर्मेन”

(पूर्णिमा अङ्क १२, २०२३ माघ संक्रान्ति २५-२६)

दीक्षा न्यनेगु ज्या सःस्युपि गुरू पुरोहिततपाखे जुइ । थुपि
 थः राजगुरू नं जुइफु यदि थः राजगुरू योग्यम्ह मजुल धाःसा मेगु
 राज्यया सःस्युपि गुरू सःताः नं दीक्षा न्यनेगु चलन दु । सूर्य
 ग्रहणय् दीक्षा कायेगुलिइ ख्वपया भूपतीन्द्र मल्ल नं खः । श्वया सूर्य
 ग्रहणय् काःगु दीक्षा ने. सं. ८०८ कार्तिक औंसिबलय् काःगु खः तर

श्व दीक्षाया तयारी आश्विन महिनांसि जूगु खनेदु ।

“सम्बत ८०८ कार्ति, आश्विन वदि १५ श्री २ भूपतीन्द्र मल्लया दीक्षायाता ... ” भूपतीन्द्र मल्लया विवाह नं व हे दैय् जूगु खनेदु । “ने. सं. ८०८ कार्ति वदि ४ आदित्यवार विवाहया इनाय छोया धरत” भूपतीन्द्र मल्लया दीक्षा काःबलय्या सूर्य ग्रहणया विवरण थथे खः—

“प	म	मो	ग्रास	ई	पु	आ	पर्श
८	९	१०	अं ३	उ		द	ग्रास
६	१०	०	ज ३	वा	प	नै	मोक्ष”

ग्रहणवा स्पर्श ८ वजे जुयाः ६ मिनेट् खः । ९ बजे जुयाः १० मिनेट् मध्य जुयाः १० बजे मोक्ष जुइ । ग्रास जुइबलय् सूर्यया स्वलांगुति पूर्वय् स्पर्श जुयाः दक्षिणय् ग्रास जुयाः उत्तरपाखें पश्चिमय् वनाः मोक्ष जूगु खः । भास्कर मल्लया नं विवाह याःगु सालय् हे सूर्य ग्रहण दुगुलि उगु ग्रहणय् दीक्षाकाःगु खनेदु ।

“सम्बत ८२८ आषाढ शुक्लः ॥ दशमी खातिनक्षत्र शिव योग बुद्धवार ॥ श्वकुन्हु श्रीश्री भास्कर मल्ल जुजुया इहि याडा दिन”

“सं ८२८ भाद्र पद कृष्ण ॥ आमावशी श्वकुन्हु सूर्यगास अंगुलि १० जोड ॥ श्वकुन्हु श्रीश्री भास्कर मल्ल जुजुया दिक्षा काया दिन गुरु श्री विश्वभर उपाध्याजु ॥”

[पूर्णिमा, अंक १२ : २०२३ माघ संक्रान्ति ३१]

दीक्षा बियेगुली नृपेन्द्र मल्ल, पार्थिवेन्द्र मल्ल व महीपतेन्द्र मल्लयात मनोहरराज, जितामित्र उल्ल व उगू मल्लयात धर्मज व भास्कर मल्लयात विश्वभर उपाध्याजुपिसं दीक्षा बिउगु खनेदु । थयं दीक्षा बिउपि गुरुपिन्त तिसावसः दान दक्षिणा बियेगु चलन दु । गुगु दक्षिणायात 'गुरू दक्षिणा' धायेगु चलन दु । दीक्षा कायेगु खँय नृपेन्द्र मल्ल, पार्थिवेन्द्र मल्ल, महीपतेन्द्र मल्ल व भूपतीन्द्र मल्ल निकः दीक्षा काःगु खनेदु । न्हापांगु दीक्षा च्वय् न्ह्यथनाकथं जूसा मेगु मू-देखा भेसु हे इलय् काःगु खनेदु । मू-दीक्षा कयाः भव्यकथं जात्रा यायेगु नं चलन दु । ने. सं. ७९७ फाल्गुणं नृपेन्द्र मल्ल, पार्थिवेन्द्र मल्ल व महीपतेन्द्र मल्ल दीक्षा कयाः भव्यकथं ये शहरय् जात्रायाःगु खनेदु ।

"सं. ७९७ फाल्गुण शुक्ल ॥ द्वितीय उत्रभद्र नक्षत्र शुक्रवार च्व कुन्हुन पेन्हुन पेन्हु न्हव श्री श्री नृपेन्द्र मल्ल, श्री श्री पार्थिवेन्द्र मल्ल, श्री श्री महीपतेन्द्र मल्ल श्वपनि फुकिजुया दिक्षा कायेयात इतस दुविखड, पेन्हु कुन्हु मुर दिक्षा कायाव, श्री ३ देगुलितोस देवदर्शन याडाव पेन्हुतो राजकुरस चाड, श्वयात पेन्हु छि पुयाव तेखुहो यडाव अत्रिस्यख वियाव किसि गयकाव, जात्रा याडाव देश दुन हव, गुरू लक्ष्मी नारायण भर्त ॥" ५०

[पूणिमा अंक १२, २०२३ माघ संक्रान्ति; पृ २६-२७]

शुक्लय ये या जुजुया दाजुकिजापिसं लक्ष्मीनारायणपाखें दीक्षा काःगु खः । दीक्षा कयाः प्यन्हुतक दिगुझः दर्शन याताः दरबारय् च्वनाः दोभानय् म्वल्हुयाः अननिसें छापातःम्ह किसिया म्हुय तयाः जात्रा याताः दरबारय् दुने दुतयंकेगु यात । भूपतीन्द्र मल्ल ग्रहणय् दीक्षा काये लच्छिहः नं दीक्षा कायेधुंकूगु खनेदु । "सम्बत ८०७ आश्विन वदि १५ श्री थाकुलजुस दीक्षा ..." मल्ल जुजुपिनि दिक्षा कायेगु आपाः याताः च्वय् न्ह्यथनापि जुजुपि फुकस्यां दीक्षा औसीबुन्हु काःगु खनेदु ।

दीक्षा कायेगु परंपरा भव्यकथं जुइगु कारणं यानाः उकियात माःमाःगु हलज्वलं धनराषी जुजुपिसं थःगु राज्यदुने च्वंपि वासिन्दात थाय्थासय् करकथं नगद व सेवा कु कयाः तरेयायेगु यानाच्चंगु खनेदु । जितामित्र मल्ल व उगू मल्लया दीक्षाबलय् चक्वाठ, नकदेश, साडा (सांगा) खनपु (श्रीखण्डपुर), बुदे (बोडे) भोट (बनेपा), पनौति, नारा (नाला), धरिखेल (धुलिखेल) थेमी (ठिमी) (पूर्णिमा १३ः २३-२४) पाखें दीक्षाय् माःगु सामग्रीया रूपय् 'सेवा कु' काःगु खः । दीक्षाबलय् फाया ला, चखु चिया ला, 'थसखा', तिन्ना, चुसा ला, ड्या, ख्येया नापनापं दुगुया ला आवश्यक खनेदु । दुगु च्वय् ह्थनागु सेवा कु जक खनेदुगु मखु कि विभिन्न व्यक्तितय्के समेत दुगु काःगुली दुगुया मूल्य व दुगु बिउपि थर्थे खः ।

"सं. ७९६ ज्येष्ठ वदि १५ दिक्षान दुगु काया दिन"-

देवराम चवताला म्ह २ मूर मो २५

बथल म्ह १ मो ६

संग्रामसि म्ह १ मो ४

काशि च्वाठ मो ७

भयदेव म्ह १ मो ३

मनोहरसि म्ह २ मो १३

कस्तवालाखु म्ह १ मो २

सर्वसि म्ह १ मो २ दं १५

गणपतिसि म्ह १ मो २

नरहरि जो म्ह १ मो २

घटर म्ह १ मो २

पालु म्ह १ मो २ दं १५

धाकचाया काय म्ह १ मो १ शुका ५

देवन्हु म्ह १ मो १ शुका ५ दं ६

चतुर्थी मेरू धर्वी म्हं ७
 भायराम भटि म्हं २ मो १८
 पुनराम म्हं १ मो ५
 नरहरि धर्वी म्हं १ मो ३
 कुतुवावत म्हं १ मो ४
 रामेश्वर जो म्हं १ मो ४
 मनोहलसि म्हं १ मो ५
 गोवर्धनसि म्हं १ मो २
 तवधेक म्हं १ मो २
 मनिघल म्हं १ मो ३
 माफित म्हं १ मो २
 हाकु खवाल म्हं १ मो दं ८
 बलभद्र म्हं १ मो १ शुका ६"

दिक्षाया लागि थाय्थासं नगद नं कायेगु यानातःगु खनेदु ।
 छगूहे राज्यदुनेया दरबारय् दुनेच्चपि जुजुपिनि दिक्षा जुइबलय् नगद
 थाय्थासय् काइगु नगदय् एकरूपता मदु अऊ छम्ह हे जुजुया पालय्
 नं निगू दीक्षा बिभिन्न व्यक्तिया यायेमालधाःसा थाय्थासय् काइगु
 करय् एकरूपता मदु । ने. सं. ७९६ उगू मल्ल व जितामित्र मल्लया
 दिक्षा काःबलय्था नगद व भूपतिन्द्र मल्लया दिक्षाबलय् काःगु नगदय्
 एकरूपता मदुगु खनेदु । अझ थ्व निगुलि दीक्षा जितामित्रया राज्य-
 कालय् (ने. सं. ७९४-८१६) हे जूगु खः । अबु व ककाया दीक्षा
 काःबलय् कःमि नायो व बुहाक छर्खायाके नं कर काःगु खनेदु तर
 भूपतिन्द्र मल्लया दीक्षाबलय् थुमिके मकाः । अबु व ककाया दीक्षाय्
 स्वयाः छगू थासं आपाः काःगु थाय् बुरवहिव नं काःगु खनेदु । करया
 स्वरूपया अध्ययन यायेत थन ने. सं. ७९६ बलय् दीक्षाया लागि काःगु
 नगद व ने. सं. ८०७ बलय् काःगु दीक्षाया नगद न्ह्यथनेगु आवश्यक
 खना ।

ने. सं. ७६६ दीक्षाया दां दुकाःगु

ने. सं. ८०७ दीक्षाया दां दुकाःगु

नां	दां
ठिमी	६१० मोटं
भोट	८०० "
पनीति	७०० "
नाला	४०० "
सांगा	३०० "
धुलिखेल	२०० "
श्रीखण्डपुर	१०० "
चोकवठ	३३ "
बोडे	३२० "
नगदेश	५० "
*'छे भादिर'	५०० "

दां
५३० मो
५३० मोटं
५०० मो
४०० मोटं
३५० मो
२३० "
१३० "
५० "
२८० "
८ "
३०० "

(*राज्य दुने छेया रेखदेख
याइम्ह अधिकारी)

धख्वाँ	७०० "	५३० "
कःमि नायो	४० "	×
बुहाक धख्वाँ	६० "	[पूर्णिमा १३ : २४] ×
बुरवहिक		१००

थथे थाय्थासं नगद कायेगु यानातःगुलि मल्ल जुजुपिनि
दीक्षाया लागि आपालं धनराशी माःगु खनेदु । गुगु धन थःगु
धुकुति लिकायेगु मयासे जनता जनार्दनपाखें कायेगु यानातःगु खनेदु ।
ज्वय् न्ह्यथनाकथंया धन उगु इलय्या दृष्टि स्वल्पाःसा आपालं खः ।
थुबल्य् धिबाया क्रयशक्ति आपालं दु । छायाःसा उबल्य् खेय् छगःया
छदां, कस्ति एकपाउया न्यादां, छयः एकपाउया न्ह्यदां आदि बजार

भाः तच्चतं म्हो खनेदु । थज्याःगु बजार भाःकथं स्वयेबल्य् दीक्षायीत
काःगु धिबा आपालं खः ।

दीक्षा कायेबल्य् थीथी परिकारया घासा ता दयेकाः नयेगु
चलन नं दु । गुगुं घासा ला खालि दीक्षाबल्य् जक दयेकेगु जुइ ।
न्या ओ (न्याया लाया ओ छुनाः दयेकातःगु) धउख्य् खुनेगु, कःसू ओ
धउख्य् खुनेगु, फसि व न्या छ्यानाः दयेकेगु यानातःगु दीक्षायी छुं
छुं घासाया परिकार खः ।

मल्ल जुजुपिनि तःधंगु धार्मिक ज्या मध्यय् छगू सःम्हं गुक
पुरोहितपाखें भिंगु लगनय् दीक्षा न्यनेगु खः । थ्व दीक्षा विशेष यानाः
सूर्य ग्रहणय् कायेफत धाःसा तःधंगु पुण्य भापेगु याः । थ्व ज्या
मल्ल जुजुपिनि संस्कारकथं हे यायेगु परम्परा दु । न्ह्यागु नं संस्कार-
कथंया ज्या जुलघाःसां भव्यकथं यायेगु मल्ल जुजुपिनि जूगुलि थ्व
यायेगु नं भव्य जुइगु स्वभाविक हे खः । थथे भव्यताकथं यायेत
अःगु राज्यदुनेया जनता जनार्दनतय्त करकथं थःत माःमाःगु
सामग्री संकलन यानाः जनतातय्त अप्रत्यक्षरूपं दुःख बियाचवंगु
खः । तर जनतां जुजुप्रति आस्था, श्रद्धाया भावना तयेगुलि यानाः
जुजुया ज्याखें नं थःगु हे ज्याखें भाःपाः ग्वाहालि यानाच्चवंगु दु ।
जुजुपिसं जनताप्रति थथे थःगु ज्यायात माक्व नगद जिन्सी कायेफुगुली
जुजुपिनि राजनीतिइ नं तःधंगु स्थान दइ । थथे जुजुपि जनतां लोकं
व्हाकाच्चनेफुगु उदार दिलं यानाः नं खः । जनतातय्त नं थःगु
दरबारया मनेतय्त थें वा छ्छां छेय्च्वंफि छगू परिकार थें जुजु व
जनताया क्वातुगु सम्बन्ध दु । उकिं जनता व जुजुयां- छम्हंस्यां
मेम्हंसित सहयोग यायेगु भावना दु ।

अज्याःगु दीक्षा कायेगु परम्परा नेवाः समाजय् हिन्दूमार्गी व
बौद्धमार्गी निगुलिइसं खनेदु । बौद्धमार्गीय नेवाःतय् विशेष यानाः

महायानी पुरोहितवर्ग- वज्राचार्य, शाक्य, तुलाधर व धर्मे छम्ह व
 कवःने छम्ह चित्रकारतय् कायेगु चलन दु । खासयानाः थथे जूगु
 कारण थ्व ज्ञा यायेत हलज्वलं ताःलाकेगु ब्यवस्था यायेत थाकुगुलि
 छः । न्हापा थ्व ज्यायात आपालं महत्त्व व गौरव बियेगु याःसा
 थोकन्हय् थ्व ज्या याईपि योग्यता दुपि सःस्यूपि गुरुपिनि अभाव
 जूगुलि थौया पुर्खाय् उलि लोकं व्हाःगु खनेमदु । दीक्षा काल घायेवं
 आपालं जिउ मज्जिब्या भेदभाव यानाः जीवन हनेमाःगुलि न अप्पो
 घायथे मनूतय् मयः । तर संस्कृतिइ सचेतपि ब्यक्तितय्सं थ्वयात
 हनेगु व बांलाःगु भावना हे स्वयाच्चंगु खनेदनि ।



मल्लकालय् फलप्राशन

मनूया जन्म जुइ न्हयःनिसै मृत्युतकयात थीथी इलय् सामाजिक संस्कारकथं हनेगु चलन दु । थ्वहे संस्कारयात समाजशास्त्रीतय्सं न्यागूकथं थथे ब्वथलातःगु खनेदु । (खत्री २०३६; १४१)

१. जन्म जुइ न्हयः मानेयाइगु संस्कारः— गर्भाधान, पुंसवन, सीमन्तोन्नयन आदि
२. मचाबलय् मानेयाइगु संस्कारः— जातकर्म नामाकरण, निष्क्रमण, अन्नप्राशन, चूडाकर्म, कर्णवेध आदि ।
३. शैक्षिक संस्कारः— विद्यारम्भ, उपनयन (व्रतवन्ध) वेदारम्भ ।
४. विवाह संस्कार ।
५. अन्त्येष्टि संस्कार ।

चव्य न्हयथनातःगु मध्यय् समाजय् जन्म जुइन्हयःया संस्कार व शैक्षिक संस्कार छुं हे खनेमदये धुकलः । मचाबलय् याइगु संस्कार, विवाह संस्कार व अन्त्येष्टि संस्कार जक खनेदनि । मचाबलय् याइगु संस्कार नं छुं छुं न्हनावनाच्वंगु खनेदु । अस्पतालया सेवा-कथं मचातय् जन्म जुलधाःसा थज्याःपि मचातय् जातकर्म संस्कार मज्जुगु खनेदु । थ्व संस्कारकथं मचायाके स्वानाच्वंगु 'पि' यात छुटय् यानाबियाः गुगु कुल जातय् जन्म जूगु खः वहे कुलया जात जुइगु

खः । श्व संस्कार जुडबल्य् मचायात 'पि' ध्यंका.लि* भवनी वा
नैनं मचायात ध्यःकस्ति नकेगु याइगु खः । गुम्हगुम्हस्यां अबुम्हस्यां
ध्यःकस्ति नकेगु याइ । गुम्हगुम्हस्यां ब्राह्मण वा पुरोहितं मचाया
म्यय् ध्यःकस्ति स्वेस्ति च्वयाः ध्यःकस्ति नकेगु याइ । श्व संस्कारयात
'धृतमहप्राशन' धकाः नं धाः । जातकर्म संस्कार यायेग्वासांनिसें श्व
संस्कार नामाकरण वा मचाबू ब्यंकेखुम्हु यायेगु यानातल । मचाबूगु
थासं (विशेष यानाः छेय्) मेगु थासय् यंकेगु निष्क्रमण संस्कार खः ।
श्व संस्कार न्हापा मचाबू ब्यंकेधुंकाः मचाबू लहिउवनेबल्य् जूसा
अस्पतालया सेवा प्राप्तयाःपि मचातय्सं मचाबू ब्यंकेन्ह्यः याइगु
जुल । अनं लिपा अन्नप्राशन याइगु खः । मचाबल्य् याइगु संस्कारय्
नं कर्णवेध संस्कार छगू बांलाक हे न्हावनाच्वंगु दु । थौंन्ह्य्
खास यानाः समाजय् यानावयाच्वंगु संस्कार मचाबू ब्यंकेगु, अन्नप्राशन,
चूडाकर्म वा ब्रतवन्ध व अन्त्यष्टि खः ।

मचातय्गु बौद्धिक, शारीरिक वा मानसिक विकासया लागि
थीथी नैसात्वैसाया आवश्यक जू । थथे थीथी नैसात्वैसाया आव-
श्यकतायात ध्यानय् तयाः कीगु समाजय् थीथी इलय् संस्कारया रूपय्
मचातय्ते नैसात्वैसाकथंहंक म्हसिकाः नकेगु याइ । थथे संस्कारकथं
नैसात्वैसा नकीगु खः धृतमहप्राशन, फलप्राशन व अभप्राशन । कीगु
समाजय् 'पि' मध्यकं मचातय्ते 'सतु' नकेमज्यू धयागु चलन दु । श्व
खासयानाः मचायात ध्यः कस्ति मनकूगुलि खः । 'धृतमहप्राशन'
बल्य् मचायात ध्यः कस्ति नकेगु याइ, अननिसें मचायात सतु नके-
माःसा नकेगु याइ ।

ध्वःकस्ति नकेधुंकाः मचातय्ते नकीगु नसा खः सिसाबुसा ।
श्व हे संस्कारयात 'फलप्राशन' धाइ । श्व संस्कार की नेवाः समाजय्

* ग्वःगु ग्वय्लय् 'पि' तयाः ज्वःगु चकुं ध्यनीगु खः ।

न्हानावनाच्चंगु खः । ध्व संस्कार अन्नप्राशन स्वयां न्हापा व धृतमह-
प्राशन स्वयां लिपा दथुइलाः गु संस्कार खः । गनं गनं अन्नप्राशन
याइबल्य नापंतुं ध्व फलफुलप्राशनया संस्कार यानावयाच्चंगु नं
खनेदु । तर अथे जूसां फलफुलप्राशन धायेगु मयासे 'अन्नप्राशन' धकाः
धायेगु यानावयाच्चंगु दु । विधिवत रूपं बांलाक अन्नप्राशन याइगु
संस्कार्य दुने थौंतक नं 'फलप्राशन' यानावयाच्चंगु खनेदु । चाहे व
हिन्दूमार्गी जुइमा चाहे बुद्धमार्गी जुइमा ।

छास फलप्राशन मचां स्वला वा प्यला दतकि याइमू संस्कार
खः । बौद्धमार्गीत्यकथं यदि मिमचा जूसा स्वला दतकि फलप्राशन
याकिइ अले मिजमचा जुल धाःसा प्यला दतकि याकी । गथे अन्न-
प्राशन मिजमचाया खुलां याःसा मिसामचायात न्यालां याइ । अथेतुं
फलप्राशनय नं मिसा व मिजमचा लच्छि लच्छि पाकाः यायेगु चलन
दु । थोंग लिमलाः गु ई व ब्यसाः थिकेगु इलं यानाः अन्नप्राशन व
फलप्राशन छन्हुं हे तुं याःसां अन्नप्राशनकथं थोथी नसात्वेंसा दुगु
थाय्भु न्हयच्याके न्हः । छः पूजायानाः मिसी, नैक्याः, छ्वःरा, हाकःगु
सिसाबुसाया प्रतिनिधित्व यानातःगु सिसाबुसा मध्यय् तु वा केरा व
ग्वःगु सिसाबुसाया प्रतिनिधित्व यानातःगु न्हयागुसां गथेकि पासि,
सुन्तलासि, क्मिसि आदि मध्यय् छगू वा छगू स्वयां अप्वःया सिसा-
बुसा व मरि आदिया कुचा तयातःगु न्हयच्याकाः मचायात नकेगु याइ ।
थथे सिसाबुसा, मसला व मरि तयेगु वस्तू मिसामचा व मिजमचा
स्वयाः पाःगु खनेदु । मिसामचा जूसा चायागु पाल्वा व मिजमचा
जूसा सिपितिचाय् फलफूल व मसला तयाः छःछःपिन्त छायाः
थःथिति फुकी, गुरूजु आदिपिन्त भाग तयाः मचायात नकेगु याइ ।
हिन्दूमार्गीयतय् जूसा रिकापि वा लप्तेय् ग्वय्मू* नैक्याःमू** व

* ग्वःगु ग्वय्या छ्यंपाखे च्वंगु कुचा ।

** ग्वःगु नैक्याःया छ्यंपाखे च्वंगु कुचा ।

केरा तयाः छगू भाग सूर्घायात छाइ, छगू भाग मचायात व मेगु
 छगू भाग कलः भाग धकाः तयाः मचायात नकेगुलिइ सोधन*
 यानाः छःछानाःलि मचायात नकेगु याइ धयागु धापू नांजाःम्ह भाषाविज्ञ
 भाजु रमापतिराज शर्माजुया खः ।** वयकःया धापूकथं फलप्राशन धयागु
 संस्कार मचायात स्वला दतकि याइगु खः । थ्व बिधि सिधयेधुं काःलि
 कलः छःयात चिपगु कलः वायेगु चलन नं दु । थथे सिसाबुसा, मसला
 दुगु नकेधुं काःतिनि मचायात अन्नप्राशन धकाः थीथी अन्न, तरकारी,
 ला, ह्वे, न्या, मरि आदि दुगु थाय्भू नकेगु जुइ । साधारणतया
 स्वयेबलय् फलप्राशन संस्कार धयागु मदुथे हे च्वं तर वास्तविक
 अन्नप्राशनबलय् नकिगु नैसायात ब्वथलेबलय् फलप्राशन व अन्नप्राशन
 संस्कार छुट्य जुयावइ । फलप्राशन व अन्नप्राशन धयागु संस्कार
 थीथी हे संस्कार खः । अलग अलग हे याइगु खः । ने. सं. ७६४
 ख्वपया जितामित्र मल्ल जुजुया थाकुरजुया फलप्राशनयागु धलःपो
 लुयावःगु दु । गुगुलि फलप्राशनबलय् छु छु पूजा यायेमाः, गुलि
 सिसाबुसा माः, गुलि न्वय् सःते माः धयागु खं स्पष्ट जूवइ । थ्व
 धलखं न्हावनाच्चंगु फलप्राशनयात छु छु सामग्री माः धयागु स्पष्ट
 याइ । धलः थथे खः —

“सर्वदा शुभमस्तु ॥ शिवे ॥ फलप्राशनयात दयके मार
 करेशपूजा ॥ जापूजा के कुंड-२ ॥

* नीलखं फलफल दुगु रिकापि चाःहुकेगु ।

** थ्व नैक्याःमू, ग्वय्मू तइगु खः व स्वभाविक खः । छायाधाःसा
 मचात गनं यंकेमाल धाःसा वा वयागु नामं सुं छः पूजा याना-
 बिइमाल धाःसा चोकि तयाः पूजा याइबेतु नैक्याः ग्वय् छग्वःछग्वलं
 मतसे उकियागु च्वका च्वकाजक तयाः चिधंगु धकाः संकेत याः ।
 चिधिकःम्हसित चिधंकथं त्वय्क जुयाच्चंगु खः ।

गोश्रास	मिरा नेउत पु १	मताके फं २	नलिक्याल
कुम्हरपूजा	आरति	मताके माघे जु २	कपूल
द्वल १६	चरपति	गवयभति	मताफा
नेउत १६	वलि पूजाभू पात ४	गवय	तालवा प्वात
गवरजा १	सेपितिन मारक्व	गवाल	से

स्वान	पूजावलि दक्व १
द्वके	कुम्हरजुपति दक्व
साहुदुपात १	वाहालवत दक्व
हयाडु लं	सेष्ट दक्व
सग्वन जु १	चक्वाठ भंदिल
मतपूजा जो १६	भंसार
सेसा ता ८४ फक्व	छे भंदिल
छाय गवय ग्व १००	पापु
शिपितिन वियमारको	अटमर दक्व
देवस्ता मारको	अटमल दुवनेया म्हं ४६ म्हांयाता
दुदेयता मारको	ववोथामचा
	भलिपनि दक्वनं मार
	सुवाल भंदिल ६
	होत्रा मारं श्वते

फलप्राशनयात श्वते माल ॥ शुभमस्तु सर्व्वदा ॥ श्रीश्री जय जितामित्र
मल्ल जुजुया थाकुरजुया फलप्रासनया ॥ सम्बत ७६४ पौष शुदि ५
श्व कुन्हु याडा ॥”

(धरःपौ २२५५:६)

श्व धलःकथं जुजु जितामित्र मल्लया काय्या फलप्राशन जुगु
धकाः सिइदु । तर खवपया जुजुपिनिगु राज्यक्रम स्वयेबलय् जितामित्र
मल्ल धुंकाः जुजु जूम्ह भूपतीन्द्र मल्ल खः । वया जन्म ने. सं. ७६५

कार्तिक शुक्ल षष्ठीखुन्हु जूगु खः । (राजवंशी २०३३: १६७)
 ध्वकथं जुलधाःसा जितामित्र मल्लया भूपतीन्द्र मल्ल तःधिकम्ह काय्
 मखु धकाः कयंवः ।

धलःपौकथं फलप्राशन याइबल्य कलश पूजा, मत पूजा,
 जापूजा व कुमार पूजा यायेमाः धकाः कयं । अथेतुं थौंक्न्ह्य् छ्ता
 निता जक सिसाबुसा तयेगु यानातःगुलि उगु इलय् ८४ ता सिसाबुसा
 वा फयांफक्व आपाः परिकारया सिसाबुसा तयाः मचायात सिफ*
 लुयाः धउ सगं बियाः फलप्राशन यायेमाःगु धकाः सीदु । उगु लसताय्
 राज्यदुनेवापि विभिन्न भारदार, प्रशासनिक अधिकारीतय् नापनापं थ्याःपि
 राजकुमार व मथ्याःपि राजकुमारपिसं समेत ब्वतिकायेमाःगु चलन
 नं स्पष्ट जू ।

सिसाबुसा नयेगु धयागु शरीरया लागि आपालं लाभदायक
 खः । उक्थियानाः हे थौंक्न्ह्य्दा डाक्टरीय् मतकथं लच्छि दुम्हः
 मचायातनिसं सिसाबुसाया रस बिया यंकेंगु चलन दु । तर अथे दुसां
 की नेवाःतय्सं लच्छि दुम्ह मचायात फलफूलया रस बियेगुलिइ भचा
 लिचिलेगु हे याः । यदि ध्व फलप्राशन संस्कार नं अन्नप्राशन थेतुं
 माःगु संस्कार हे भाःपियेगु याःसा कीसं नं मचातय्त गथे अन्नप्राशन
 धुंका मचातय्त साधारणतया छुं हे मछि मजुइक भचाभचा यानाः जा
 वा नसा नकेगु सुरू यानायंकागु खः अथेतुं फलप्राशन धुंकाः नं मचा-
 तय्त छुं मछि मजुइक हे सिसाबुसा नका यंकल धाःसा मानसिक
 व शारीरिक विकास याकनं जुइ । फलप्राशन मचाबल्य याइगु
 संस्कार मध्यय् छगू संस्कार खः । समाजशास्त्रीतय्सं त्वःफिकातःगु
 छगू तःधंगू संस्कार खः । ध्व संस्कारयात नं संरक्षण यायेमाःगु अति
 आवश्यक खनेदु ।



* पाथी स्वां, जाकि व सिसाबुसा तयाः छ्यंनय् लुयाः पवित्र यायेगु ।

मल्लकालय् नसात्वंसा

मनूया न्हापांगु आवश्यकता नसा खः म्वानाच्चैतले न्हिन्हि
धयार्थे नयाच्चनी त्वेनाच्चनी । थुकि मनूया शारीरिक व मानसिक
विकास यायेगुलिइ तःधंगु गुहालि यानाच्चनी । संसारय् नसात्वंसां
छगू हे वस्तू जूसां थाय् स्वयाः, समाज स्वयाः थःथःकथं नयेगु
यानाच्चनी । चीनिया नसा संसार प्रख्यात थें तुं नेवाःतय् नसा
नेपाः प्रख्यात । नेवाःतय् थीथी इलय्ब्यलय् नसा नयेकथं थीथी नखः
चखः हनावयाभवन् । सुन्ति नखः— मरि, फलफूल, सकिमिला पुन्ही—
चाकुहि सकि, योमरि पुन्ही—योमरि, घ्यःचाकु सैल्हू— घ्यःचाकु, सिथि-
नखः— थीथी प्रकारया ओ, पञ्चदान चःह्य— स्वाःरि मापां, क्षिर
गुँपुन्ही— गुता बूबःया क्वाति, येंछाःपुन्ही— समय्, चथाः— कःनि
मुस्या, मोहनीया— ला थुकथं थीथी नखःया थीथी नसायात महत्व
बियाच्चंगु यामकथंया शारीरिक अवस्थायात त्वयेक नयेगु यानातःगु
खः । न्हि न्हि नयेगु नसात्वंसा बाहेक नेवाःतय् थीथी परिकाइया
नसा भवज्य नइगु खः । नेवाःतय् भव्य बुसानिसें सीबलय् याइगु
कर्मकाण्ड, धर्मकर्म, गुठी-गहना हना, छेँ पलिचिनेगु आदि चिकिचा-
धंगु छगू जक ज्या याःसां भव्य, ततःधंगु ज्याः याःसां भव्य । भव्य
छ्वाःखेरं तयाः बिचय् नेवाःत च्वनाः म्वानाच्चंगु दु । नेवाःतय् ति
भव्य मेगु छुं नं जातिया दइमखु । नेवाःतय् ऊवः भव्य, ब्वथा
भव्य, मिसा भव्य, भि भव्य, जा भव्य, छ्यः भव्य, लसता भव्य,

तिथि भव्य, पस्ताः भव्य, मरि भव्य, जाभू भव्य स्वजात भव्य,
बिजात भव्य आदिकथं हनावयाखबंगु खनेदु ।

भवज्य छयलिगु नसाया परिकार थाय्, जाति, भव्य, वर्ग
आदिकथं पाः । गथे कि यलय् छुं नं भव्य जूसा 'भी ववाः' मदयेक
मगाःगु परिकार जुइ । पुँतय् बियाछवयेगु भव्य जूसा जोपसा, ओ
व लापिइ थयेके बिइमाः । मिसात बियाछवयेगु भव्य जूसा छ्याल्ला*
तयाः भव्य नकेगु याःसा मिजंतयत् विवाह याइगु भवज्य उगु लाया
परिकार तयेगु जुइमखु । भवज्य छसरा, निसरा, स्वसरा व प्यसरा
धकाः लिसालिसा तयेगु नं च्वये न्हाथनाकथं पाः । थथे छसरा
निसरा यानाः भवज्य नसा तइगुलिइ न्हापांगु सरा आपाः परिकार,
अनं लिपायागु सरा म्हो म्हो यानाः परिकार तयेगु यानातःगु दु ।
गुगु बैज्ञानिक खनेदु । नसा नयेगु फुक्कं पचयेजुइकथं कीगु भवज्य
पाउं, धउ, फलफुल व अय्लाः लिपा तयेगु यानातल ।

कीगु समाज्य भवज्य विशेष यानाः प्यता घासा, खुता घासा,
न्याता घासा, किनिता घासा व चयेप्यता घासा तयाः नकेगु चलन
दु । त्वःचाः भव्य छगूली घाःसा थाय्भुइ गुलि परिकारया घासा
तयेगु छः उलि हे घासा तयाः नकिगु छः । तर थौकन्ह्य पस्ताः
भव्य धकाः थथे चयेप्यता घासा तयाः नकेगु मयायेधुंकल । मचभू
ब्यंकाः तइगु आगं बवचाय् खुता घासा तयेगु चलन दु । नेवाः समाज्य
कूला (सुथय् जा नयेन्हाः नयेगु नसा), द्योना (सुथय् नयेगु जा)
तुच्चा (न्हितय् नयेगु- गुगुयात बजि नयेगु नं धाः), बेलि (बहनिइ
नयेगु जा), पाहाँ (हनेकथं सत्कार यानाः नकेगु), च्याकू (भव्यबलय्
च्याकू ला तयाः बजि नइगु), बिदा (भव्य नये सिधयेकाः ग्वाः ग्वय्
नापं अय्लाः त्वनिगु), लैकाः बाहाः (भवज्य लैकाः जूषिस्त नकिगु)
आदि धकाः नयेगु चलन दु । भवज्य नसातर्गसा तयेगुलिइ लिङ्गभेद

* छ्याल्ला- सिके, ला तयाः दयेकातःगु छगू परिकारया ला घासा ।

दु । नसा भिजपिसं तयेगु याःसा त्वँसा (अय्लाः भ्वँ) मिसापिसं
तइगु खः । अय्लाः लुइगुलिइ भ्वय् खयाः नकित जुइ । इहिपाः
भ्वय् जूसा इहिपाःयाःम्ह काय्मचायात मरि लहिकाः लिउलिउ तयाः
मांम्ह भम्चा थें छायापियाः गौरवतायाः अय्लाः लुयावइ । भ्वज्य्
छलुनिसें न्यालुतक्क अय्लाः लुइगु चलन दु । छलुयात समाजं बांलाः
मतायेकू । न्यालु जुलधायेवं तच्चतं बांलाः तायेकीगु खः । न्यालु अय्लाः
विशेष यानाः अय्लाः लुइपि यक्व दयाः थ्याकेमाल धायेवं जुइगु
खः ।

थज्याःगु नेवाः समाजय् भ्वय् नकेगु संस्कार आःयागु जक
मखु । आः ला भ्वज्य् म्हचायेकेत विदेशी प्रभावया भ्वय् न्यायेका
हःगु खनेदु । थज्याःगु नेवा समाजया भ्वय् मल्लकालनिसें खनेदु ।
मल्लकालय् थौकन्हे थें बुसानिसें मृत्यु संस्कारतक्क यानाः भ्वय्
नकेगुया नापनाप थीथी धर्मकर्म, दान, प्रतिस्थापन आदि यानाः
नं भ्वय् नकेगु चलन दु । थौकन्हे भ्वय् नकीबलय् थःथिति
इष्टमित्र थेंतु थःगु राज्यदुनेच्चपि भाइ-भारदार, जनता, थःथिति,
मित्रराष्ट्रया जुजु, जनता आदि सःतेगु चलन दु । जा भ्वय् मरि
भ्वय्, ला भ्वय् आदि मल्लकालनिसें खनेदुगु भ्वय् खः । थथे भ्वय्
जुइबलय् मनोरञ्जनकथं थाय्थासं प्याखं हयाः प्रस्तुत यायेगुया नाप-
नापं भ्वय् नकीबलय् दर्जाकथं उच्च-निम्नकथं भ्वय् नकेगु चलन
दु । भ्वय्या लागि वा छु ज्याय् वःपि दत वा व्यक्तितय्त दरबारं
न्हि न्हि नयेत माःगु जाकि, बजि, माय्, ला, तरकारी आदिया
बन्दोबस्त यायेगु नं चलन दु ।

मल्ल जुजुपिनि भ्वय् भव्यकथं जुइगु जूगुलि भ्वज्य् थीथी
नसात्वँसा रेखदेख याइगुलिइ हाकिम थें यानाः छगू छगूया ज्याया
जिम्मेबारी बियाः उगु ज्या बांलाक यायेगु लागि ज्यामित बन्दोबस्त
यानाः तयेगु नं चलन दु । 'बजि भादिल', 'ला भादिल', 'ति भादिल'

‘धलि भादिल’, ‘बसुजात भादिल’ ‘मरि भादिल’, आदि धकाः भवय्यात माःगु ज्वलं बजि, ला, अय्लाः, ध्वं, धउ, बसुजाः, मरि आदिया रेखदेख याताः ब्यवस्था यायेगु ज्या जुइ । ध्व फुक्कं रेखदेख याइम्ह छम्ह मुख्यम्ह भरि धकाः दयाच्चनी । अथेतुं नसा दयेकेगुलिइ सुवाः च मरि छुयेगुलिइ मरि कःमि धकाः दु । मल्ल संस्कृति दुने खुता घासा, च्याता घासा, छिनिता घासा व चयेप्यता घासा धकाः दु तर अथे दुसां नसात्वँसा तयेगुलिइ एकरूपता म्हु । च्याता घासा तयाः ब्राम्हणतयत् नकेगु छगू जूसा च्याता घासा पवंगितयत् नकीबलय् छगू हे जूगु खनेदु । छो पूजायाताः समय नकेगुलिइ बजि, स्याःबजि, सुकुला वा छुयाला, ओ वा चतांमरि जक दुसा गनं समययात मुस्या, न्या, सुकुला, ‘चपमधे’ वा चतांमरि, कताध्वं, बजि, स्याःबजि नं दु । भवजय् खनेदुगु नसाय् बूबह, वाउँचा, ला, अय्लाः, ध्वं, मरि, मसला आदि खः ।

मल्ल संस्कृतिइ खनेदुगु छुं छुं नसात्वँसा थन न्ह्यथने—

मरि— विधिव्यवहार, धर्मकर्म, पूजाआजा, दैनिक उपभोग आदि थाय्थासय् मरिया उपयोगिता दु । गुगुं मरि पूजाय्, धर्मकर्मय् जक छयलिगु जूसा गुगुं मरि दक्क थासय् छयलेगु याः । उगु इलय् खनेदुगु छुं मरि थथे खः—

खीला (ग्वलाःगु मरि)	मिथायि	दुरूमरि	कचरि
जाहागिर वाला (")	जुलेवी	तककला	माथा
चुलमा (")	खाजा	सत्कला	आति
खालुत	लुचयि		
(ताहाकःगु मरि)	(फ्याच्चाच्चंगु)	छुचुं मरि	फेनी थोमरि
चपमरि	चतांमरि	आनि	चाकुमरि पुरिमरि
चफुमरि	ताय्मधि	रेबुवा माधे	सगामाधे खादवाला

लड्डु- क) सत्करांक लड्डु ख) मुक लड्डु ग) सियिव रदुवा
घ) ताय् रदुवा

मरि दयेकेत विशेष याना: छुचुं, जाकिचुं, चिकं, ध्यः,
साख: व कस्ति ख: । चपमरि, चफुमरि, खुलुत, चुलमा, रेवुवा, योमरि
पूजाय् छ्यलेगु या:सा मेगु भवजय् विधिव्यवहारय् छ्यलेगु या: ।
विवाह याइबलय् 'वाता छवय' 'कुछ्वय्' धका: मिज्या थासं मरि
तया: मिसाया छेय् छ्वयेगु चलन दु । थथे छ्वइबलय् तइगु
विशेष मरि आति, संवइवेल, मिथायि, माथा, खाजा ख: । थथे मरि
छवयेबलय् वा सुयातं मरि बिइबलय् मरिक्सिइ ङिनिता मरि तया:
बियेगु चलन दु । इहिपालय् छ्यलिगु विशेष मरि छुचुं मरि,
फिनी, कचरी, माथा, आता, संवैवेल, खाजा, ताय्लड्डु आदि ख: ।
दरबारय् भवय् जुल धायेवं थाय्थासय् बिभिन्न व्यक्तितयत् नं मरि
इनेगु चलन दु तापं भवय् वःपिन्त मरि थयेका छ्वयेगु नं चलन
दु । नेवा:तय् महत्वपूर्णगु नसामध्ये छगू 'ओ' नं ख: । गुगु मल्ल-
कालनिसें थीथी परिकारया 'ओ' दयेका: नयेगु यानाव:गु खनेदु ।
थुबलय् खनेदुगु ओ 'मायओ, कःसूओ, मूओ, मुसूओ, भुतिओ,
मुस्याओ, खेओ, फसिओ, न्याओ, छुखिओ, लैओ आदि ख: । ने.
सं. ८०७ ज्येष्ठ शुदि १५ जितामित्र मल्लं पनौतिया ब्राम्हणतयत्
सःता भवय् नकूबलय् सन्कलालदु, खालुत, खाजा, मिथायि, संवैवेल,
फिला, खातवाला, जाहागिरवाला माथलदुवा, केलदुवा, माय्ओ,
कःसूओ, मूओ, मुस्याओ, भुतिओ, छुखिओ आदि तया: नकूगु ख: ।

ति— नखःचखःमध्ये साखःति त्वंकेगु व त्वनेगु छगू चखः
अक्षयतृतीया ख: । गुगु चलन मल्लकालनिसें ख: । थुबलय् पूजा,
दान धर्म, याइबलय् ति "पाङ्गुछवोनाया छ्याङाति" साखःति सियु
साखःया ति, तेतुलशी ति, सासेति, मिसी ति, अम्बःया ति, अनारया
ति, चाकु ति, दुरू, लस्ती आदि ख: ।

लागु पदार्थया ति- कालध्वं, अजिध्वं, कताध्वं, करिध्वं, केजुलिध्वं, ह्याउध्व व अय्लाः खः । युकीमध्ये 'केजुलिध्वं' छगू पूजाय् जक छयलेगु व मेगु फुकं ध्वं पूजा व भवजय् नं निगुलीसं छयलातःगु खनेदु । कालध्वं, अजिध्वं, करिध्वं, केजुलिध्वं आदिया परम्परा खनेमदु ।

जाकि/बजि- जाके, वाङ्कुके, पुवाके, पावाके, हाकुके, स्वान वा, ताय्सिवा थुबलय् प्रचलितगु जाकि खः । उकिइ मध्ये 'हाकुके' नं तःधंगु स्थान कयाच्चंगु दु । ताय्सिवा, स्वानवा, पावाके व वाङ्कुके विशेष यानाः पूजाय् जक प्रयोग जुयाच्चंगु खनेदु ।

भिबजि, सगाबजि व स्याःबजि यानाः स्वंगू परिकारया बजि खनेदु ।

बूबःलय्- माय्, म्वाः, भुति, सिम्पु, तग्वः कय्गू, चिग्वः कय्गू, मुसू, मू, क्वलः, पःमाय् ।

तेलहन- ईका, पःका, तू, हामो (सियु, वेंचु, ह्यांगु, हाकु हामो) आदि ।

पूजा व ब्राम्हणयात नकेगु याइबलय् बिभिन्न परिकारया जा थुयाः नकेगु चलन दु । पूजा यायेगुलिइ ला व जा नं तयेगु चलन दु ।

छोलाओ जा- नासक ओजा, घउ जा, दुरू जा, चाकु जा, कस्तिओ जा, पुवाके जा, खिचरि, मुकओ जा, क्षीर जा, हरडिओ जा, घेर जा, गोरडुओ जा, मुसुर जा, मास क्षिचरी, आदि ।

मसला- जी, मलय्, हि, पालु, हलू, चि, चिकं, सु, सुकुमेल, यल्ला, गोलोचन, बेहरड, पिपी, सासे अब्वात, नैक्यः, मिसी, मखाँ, दाँख, ख्वःसिँ, खय्गुलि, इमू, सुपाचुन, म्वाः, ग्वय् आदि आदि खः । ग्वय् स्वंगू प्रकारया दु 'सगाग्वय्', भिग्वय् व छ्याःग्वय् खः । मसला

प्वः चिनेबलय् च्याता व खुता तयाः चिनेगु चलन दु । पूजाय् विशेष यानाः च्याताया मसला जूसा 'सेवा' कु'स खुता मसला खः । उगु इलय् च्याता मसला धायेबलय् ग्वय्, यल्ला, सुकुमेल, मखां, ख्व'सि, मिस्त्री नैऋत्याः, व लवें जूसा ग्वय्, मखां, खय्गुलि, दाँख, सुकुमेल, व सांसे खः । 'श्वजय्' मसलाप्वः व ग्वाः बियाः, बिदा बियेगु चलन नेवाः समाजय् डबलय्निसेया चलन खः ।

फलफूल- ब्याः, ब'सि, बय्ल, तुसि, तु, केरा, तःसि, कम्सि, धाले, फँसि, कम्सि, अम्बः, अँ, चाकुसि, भुयुफसि, आमली, खरबुजा, बेहरड, सम्मि, सुन्तलासि, कटहर, अंगूर, दाख, लाउनफसे, तेतुलसे, राउत फतसे, कमलासे, कालाजंबीर, किमिसे (ग्वःगु फल) चाकुहे, सासे, कोबि फरसे, एकि, लैं आदि खः । थुबलय् चयप्यता परिकारया फलफूल खनेदु । थुलि परिकारया फलफूल तयाः फलप्राशन याके- माःगुलि हे सीडु थुबलय् यक्व परिकारया फलफूलत दु धकाः ।

तरकारी- खाखः, मितचो, तुकं, भान्ता, पोलःचा, फकं, ह्याउँगु फकं, गुँफकं आदि । ह्याउँगु फकं व गुँफकं विशेष पूजाय् जक छ्यलेगु यान्नातःगु खनेदु । मेमेगु तरकारी श्वजय् व न्हि ज्याय् नं छ्यलाह्याच्वंगु दु ।

खा- नेत्राःतय् प्रख्यातगु घासाया परिकार छता ला नं खः । छम्हे प्राणीया ला नं थीथी परिकार दयेकेगु चलन दु । थथे दयेकेगुया मू कारण घासा तःथी दयेकेगु व स्वाद व समाजया कलात्मक प्रकृत्या न्यनेगु खः । थथे दयेकेगु चलन थुगु युगनिसे दु । थुबलय् लाया लागि छ्यलिगु हँय, थसखा, कालेज, चखु, बखु, तिन्ना, बाखा, गुँखा, आदि पक्षि व चल्ला, मे, 'वद्या' दुगु, फा, फँ, आदि खः । मंगलय्या प्रतिक न्या- पनौतिया न्या, पुखूया न्या, किरला न्या, 'श्वजय्' तःगूमछि परिकारं दयेक्तेगु चलन दु । च्वय् न्हयथनागु प्राणीतय्गु ला थीथी परिकार दयेकेगु यान्नातःगुलिइ छु लाया परिकार थथे खः ।

छव्यला- [ला मनाः वालातःगु ला], हाकुछव्यला [ला छ्याः
 वालातःगु], पंला [धउ तयाः मनाः वालातःगु ला], हिला [हि व
 पाउं तयाः वालातःगु ला], कचिला [ला कचि हे वालातःगु, थ्व निगू
 कथं जुइ- त्यानाः व मत्यासे], चुंला [लां त्यानाः दयेकातःगु] लाम्वः
 [त्यानाः ग्वःलाक चिनाः दयेकातःगु], लापी [चुंला त्यानाः ओयें
 चाकालाक दयेकातःगु], खुनाला । दयेकाला, न्वतला । तकूला
 [पंल्या छकू यांनाः दयेकातःगु नलगु ला], पुकाला [बिषेय यांनाः तातू
 पुकेगु याः], हामोला [हामोल्य ला त्यानाः तयाः दयेकातःगु ला],
 सुकुला- सुकुला दयेकाः, पुकाः व छ्याः दयेकेगु चलन दु ।

थये परिकार दयेकेगुलिइ मे, दुगु, वद्या, फा, हँय खः । छगूहे
 लाया परिकार नं थीथी प्राणीया दयेकेगु चलन दु । गथे कि-

पंला- मे, दुगु, फँ, वद्या, चखुँ, हँय, थसखा, गुंखाया, ख्येँथा,
 ववैय आदिया । चखुँला समेत थीथीकथं दयेकेगु याः । चखुँया ला व
 धउ तयाः दयेकातःगु पंला, चखुँया ला व पालु छ्यानाः चखुँया 'करन'
 व दुरूदाया, चखुँया छव्यला, चखुँया कुवाफ आदि । मल्ल जुजुपिनि
 इहिपालय फाया सुकुला खुनाः, कालाः, छ्याः, दुरू व फाया सुकुला
 खुनाः, हामोल्य फाया ला खुनाः, ख्येँय फाया ला छ्यानाः लाया
 परिकार दयेकेगु चलन नं दु । भ्वजय प्राणीतयगु म्हुय्च्वंग मे, न्हयपु,
 सेँ, सोँ, नलु, दाः, झुकु, ग्वः, सःपू, ववैय, छ्यंगु आदिया समेत थीथी
 परिकारया लाया घासा दयेकेगु चलन दु । यक्को भ्वजय ख्येँ मनाः,
 ख्येँ ओ छुनाः, आतुपुतिइ ख्येँ थनाः तानाः, पुकाः, ख्येँनाप पाछाइ
 ल्वाकछ्यानाः मसला तयाः, ख्येँया पंला आदि परिकार दयेकेगु नं
 चलन दु । जनावरया आतापुती ख्येँ थनेथेतुं चुंला, मसला थनाः
 उकियात कुचाकुचा यांनाः पुकेगु छगू प्रकारया उबलय लोक व्हाःगु
 लाया परिकार खः । कचिगु केरा पुकाः चाकु वा कस्ति वा साखलय
 थुनाः दयेकातःगु घासा इहिपालनिसेँ साधारणकथं नयेत तक छ्यला

वयाच्चंगु दु । खाखः घ्यलय् भुटय् घायेगु, वालेगु, तरकारी दयेकेगु
नं याः ।

मल्लकालय् भाषाय् जक विदेशी भाषाया प्रभाव लागु मखु
नसाय् नं भारतया नसाया प्रभाव ल नाच्चंगु दु । 'दहीबारा', जाहा-
गिरवाला, जुलेथी आदि मरि, ग्वाः नयेगु संस्कार उगु इलय् भारतय्
बसोबास यानाच्चपि मन्तय्गु प्रभावं छः । थुबलय् दहीबारा मधासे
थीथीया ओ घउलय् खुनाः नयेगु चलन खः । भवजय् थीथी थासय्
मन्तय् ला, बजि, मरि ब्व-ड्व थलाः बियेगु चलन दु । थुबलय्
नेवाः समाजय् खनेदुगु तःजिगु लाया परिकार गोरमा, संन्याखना,
तःखाः आदि छुं खनेमदु । यक्को परिकारया ला नयेसःपि मल्लत
थज्याःगु परिकार दयेकाः नये मसः जुल खइमखु जुइ । तःखाःयात
ला मूला घायेगु चलन दु ।



मल्लकालय् अस्थायी कर

लिच्छविकालय् थीथी करया व्यवस्था जुयाच्चंगु दु । थाय् थासय् कर काइगु व्यवस्था दुसा कर काइपि अधिकारीतय्गु नां नं उल्लेख जुयाच्चंगु लिच्छविकालया ऐतिहासिक सामग्री दुने खनेदु । लिच्छविकालय् कर काइगु थाय् मध्यय् रत्नपार्क व नर्स क्याम्पसया दथुइ लाःगु सडकय् भूमिगत लै दयेकेगु सिलसिलाय् गाः म्हुया यंकूबलय् लुयावःगु त्वहंहितिनापं नं येँ देय् दुहांवइपिके कर काइगु थाय् खः धकाः इतिहासवेत्तापिसं धयाच्चंगु खनेदु । थुबलय् आपालं करया व्यवस्था मध्यय् 'भोगभागकर' धयागु स्वंगू (भोग, भाग व कर) प्रकारया तच्चतं प्रचलितगु कर खः । [खत्री २०३६: १३४] थुबलय् स्थायी कर आपालं खनेदु ।

करया परिचय :-

राज्यया शासन संचालन, जनहित ज्या सनेत, राज्यदुने वइगु अनेकपाखें राज्य सुरक्षित आदि ज्या यायेत आपालं धनराशि माः । उकिया लागि सरकारं थीथीकथं धनया आम्दानी याइ । उकिइमध्यय् छगू आम्दानीया श्रोत कर खः । श्व श्रोत लिच्छविकालनिसैं आधुनिककाल तक कायम जूसां नं उकिया रूप पानाः विकास जुयाच्चंगु दु । मल्लकालय् जनताया आम्दानीया छुं भाग पुलेमाः तर बुज्या सनीपि राजसेवाकथं ज्या सनाच्चंगु जुलधाःसा

इमिसं बुँया उत्पादनया छुं भाग पुलेम्वाःगु बन्दोवस्त यानातःगु
 खनेदु । अन्तरराष्ट्रिय व्यापारकथं वस्तूया आयात निर्यात यातघाःसा
 प्राचीनकालय् थेंतु 'भन्साः' कायेगु व सुं परदेशीत बलःधासा
 'भन्सार चौकी' धकाः कर कायेगु व्यवस्था मल्लकालय् खनेदु । सुं
 नं जनता निग्रम विकृद्ध ववधःसा दण्ड जतिबन्तकथं नं असुल
 यानाकायेगु चलन नं दु । थथे थीथीकथंया कर, दण्ड जीवाना
 कथातःगु अथ-राज्यय् जुजुमिसं थःगु माःमाःगु ज्या यायेगुली व
 सर्वसाधारण जनताया भिया लागि, धार्मिक ज्याय् खर्च यांनाछवइ ।
 मल्लकालय् विकास जुयान्नःगु छगू मध्यम जस्तीय प्रस्था खः । थव
 जातीय प्रथा दुने त्रिभिन्न संस्कार कर्मकाण्ड बल्लजावल । संस्कार न्न
 कर्मकाण्ड धार्मिककथं हनेगु यानाहल । श्रज्याःगु संस्कार व
 कर्मकाण्ड हनेत शुभित सीमित आय् मगात । उल्लिखक मधु
 थःगु नां अतन्तकालतक ल्यंकेत, धार्मिक जुजु धामेकेगुली मत्त
 ब्वात । उकिमा फलस्वरूप थाय् थाम्मय् थीथी वःया स्थापना, हिति,
 बुँगाः, फल्चा आदि स्थापना याताः थःगु तां न्न जनताया सुविधाया
 लागि न्न सुव्यवस्थित समाजया गठन यात । लिखवःगु मल्लकालय्
 मयाः श्रज्याःगु ज्या ह्वंगू राज्यदुने तं प्रतिस्पर्धाकथं जुल । तर श्रज्याःगु
 ज्या यायेत जुजु स्वयंयाके माक्व धन मद्दगु जूगुलि जुजुमिसं राज्यदुने
 जनता मार्फत कर कयाः थःगु इच्छा पूति यानाहल । राजदरवारय्
 दुने जुइगु ज्या, कर्मकाण्ड गथे कि व्याहाः, व्रतवन्ध, चूडाकर्म, वीक्षा,
 अत्यष्टिक्रिया आदि धार्मिक ज्याकथं देशः तयेगु, धार्मिक ज्याया
 लागि छेँ दयेकेगु, ल्वहँहिति दयेकेगु आदि उद्देश्य तयाः माःकथं
 थाय् थाम्मय् काइगु कर अस्थायी कर खः । छुं धार्मिक ज्या न्न संस्कार
 सम्बन्धि कर्मकाण्डयात कर कायेमाल धासा दरवार थाय् थाम्मय्
 करया लागि पी ज्वयेगु याः । भूपतिन्द्र मल्लया व्याहाःबलय् करया
 लागि ज्वयातःगु थथे खः "शुभ विजाल श्री २ सुमति जय जित्तमित्र
 मल्ल देवसत्त जगन्नाथयाके खं ध्वते श्री २ थाकुलजुस एहेयाता सेवा

कु सम्बत ८०७ भाद्र शुदि १३ थेतके माल । (धरःपी २५५५:४:३५१)
 दरवारय् दुने संस्कार सम्बन्धि कर्मकाण्ड व जुजुपिनि स्वइच्छा याइगु
 धार्मिक ज्या गबलें गबलें जक जुइगु जूगुलि थज्याःगुया लागि कर
 अस्थायी कर खः ।

अस्थायी करया ता-

अस्थायी कर काइबलय् निगूकथं कायेगु यातातःगु खनेदु ।
 छगू 'नगद' व मेगु 'जिन्सी' खः । च्वय् उल्लेख यातातयागु ज्या
 यायेत मल्ल जुजुपिन्त नगद नं उलि हे आवश्यक जू । हानं अज्याःगु
 ज्या यायेत च्वय् नं ज्वरय् यायेमाः उकिं भ्दय्या ज्वलं थःसिं
 ज्वरय् यायेन्वायेक थाय्थासय् 'सेवा कु' धकाः जिन्सी कर कायेगु
 यातातःगु खनेदु । थ्व 'सेवा कु' धयागु अस्थायी कर लिचवःगु मल्ल-
 कालय् आपालं प्रचलितगु कर खः । थुकी भ्वय्दात माःगु सामग्रीत
 गथे कि बजि, बूबः, लाया लागि मेय्, दुगु, फा, हेंय्, मसलाय् चि
 चिकं, पालु, हलू, जीमले, नैक्याः, खोसि मिसी, अय्लाः, मरी,
 फलफुल बजिपिचा, सुकू, तुफि, अंप रबंप, सलि, लप्ते आदि खः ।
 अज्याःगु कर खवपय् जितामित्र मल्लं भूपतिन्द्र मल्लया व्याहाः,
 ब्रतवन्ध, चूडाकर्म, देगः दयेकेत आदि ज्या यायेत थाय्थासय् काःगु
 खनेदु । मेगु जिन्सी कर स्वरूप काइगु कच्चा पदार्थ खः । जितामित्र
 मल्लं खवपय् तलेजु चुकया दक्षिणपाखेया 'देवद्वार'य् च्वंगु लु सिधा-
 तःगु तोरण तयेत बनेपां ५६ धार्मी १ कुनला २ अस्ता व पनौति
 ७१ धार्मी १ पल व अस्ता सिजः तोरण दयेकेत काल । मेमेथाय्
 सिजःया लागि नगद हे काःगु उल्लेख जुयाच्चंगु दु । जिन्सी कर
 मध्यय् प्रचलितगु कर 'सेवा कु' खः । मल्ल जुजुपिसं याइगु ज्या
 छगूहे कथं 'सेवा कु' जक कायेगु मयासे ज्या स्वयाः स्वयाः 'सेवा
 कु' या नापनापं नगद नं कायेगु याः गथे कि भूपतिन्द्र मल्लया
 व्याहाबलय् जितामित्र मल्लं थाय्थासय् नगदया नापनापं 'सेवा कु'

नं कायेगु यानातःगु खनेदु । उकि ज्याकथं नगद जक वा 'सेवा कु' जक वा नगद व 'सेवा कु' निगुलि नं कायेगु याः ।

कर काइगु क्षेत्र—

मल्ल जुजुपिसं थःथःगु ज्याया लागि अस्थायी कर कायेगु क्षेत्र थःथःगु राज्यय् लाःगु गां-गामय्, त्वाः त्वालय्, मित्र राज्य गथे कि येय् ज्या जूसा यल, खवप थ्वया नापनापं पश्चिमं पूर्वपाखे बसाई सरय्जुइत वःपि खसमगःतय्के खः । भूपतिन्म मल्लया व्याहाः, चूडाकर्म, ब्रतवन्ध, दीक्षा व उग्र मल्ल व जितामित्र मल्लया दीक्षा काःबलय् च्चय् न्हयथनागु तोरण तःबलय् नगद व जिन्सी कर काःगु थाय् थथे खनेदु—

१) बनेपा २) पनौति ३) धुलिखेल ४) साँगा ५) नाला
६) खंपु ७) ठिमी ८) बोडे ९) नकदेश १०) चौक्वाःथ ।

नाः मित्र राज्य—यल, ये व खसमगःत खः । गबले गबलें प्रशासनिक अधिकारी गथे कि छे भादिल व नायोतय्के गथे कि कःमि नायो आदिपिके नं माःमाःबलय् माःकषं कर कायेगु यानातःगु खनेदु ।

करया भार—

अस्थायी कर काइबलय् मल्ल जुजुपिसं दक्ख क्षेत्रय् ज्थी मजुसे जनघनत्व वा थाय्था बस्ती उत्पादनकथं आपाः म्हो कायेगु यानातःगु खः । (वज्जाचार्य २०३२ : ११७) उलिजक मखु थाय् थासय् उत्पादन जुइगु वस्तुयात आपाः महत्व बियाः कायेगु यानातःगु खः । गथे कि ठिमीया विशेष उत्पादन चाया थलबल जूगुलि थन कर काइबलय् थज्याःगु वस्तुयात अप्वः ग्राह्यता बियाः कायेगु यानातःगु दु । वस्ती आपाः दुगु थाय् व आपाः उत्पादन जूगु

थासय् छगूहे ज्या जूसा अज्याःगु थासय् आपाः कर कायेगु याना-
तःगु दु । उकि च्वय् न्ह्यथनागु थाय् मध्यकालय् छवपय् अस्थायी
कर काइबलय् बनेपा, पनीति व ठिमी न्ह्यागु ज्याय् नं मेमेगु
थासय् स्वयां आपाः कर कायेगु यानातःगु खनेदु ।

भूपतिन्द्र मल्लया व्याहालय् बनेपां १६०० डबल, पनीति
१५०० डबल व ठिमीं १६०० मोहर कर स्वरूप ब्यूगु खनेदु ।
[वहे पृ- ३८३ क] जितामित्र मल्लया ने. सं. ८०५ मार्ग नवमीखुन्ह
जन्मदिन हनाः प्रतिस्थापन याःगु तलेजुया द्वारया तोरण दयेकेत
वनेपां १४३० डबल, पनीति १२२५ मोहर व ठिमी १५२५ मोहर
कर कयाः छाःगु (वहे पृ- २८५ क) तर ध्व थाय्थासं कर स्वरूप
उगु ज्यायात पुलेहःगु बनेपां १४३० मोहर, पनीति १२२५ मोहर व
ठिमी १५२६ मोहर खः (वहे पृ- २८४ ख) ।

ने. सं. ७९६ जेष्ठ औंशी खुन्ह जितामित्र मल्ल व उग्र मल्ल
निम्ह दाजुकिजाया दीक्षा काःबलय् बनेपां ८०० डबल, पनीति ७००
डबल कर ब्यूसा (पूर्णिमा अङ्क १३ पृ- २४) ने. सं. कार्तिक औंसी
खुन्ह भूपतिन्द्र मल्लया दीक्षाबलय् बनेपां ५३० डबल, पनीति ५००
मोहर व ठिमी ३५० मोहर (वहे पृ- ३८६ ख) ब्यूगु खनेदु ।

ध्वकथं स्वयं बल जुजुपिसं कर थाय्थासय् म्हाइबलय् ज्या
स्वयाः जुइगु खर्चायात ध्यानय् तयाः कयातःगु खनेदु । छगू हे
ज्याख्ये नं थीथी इलय् थीथीकथं कर कायेगु यानातःगु खनेदु ।
गथे कि भूपतिन्द्र मल्लया दीक्षा व जितामित्र व उग्र मल्लया दीक्षा-
बलय् कयातःगु छगू हे थासय् अबुया दीक्षाबलय् आपाः कर जूसा
काय्या पालय् म्हो कर कयातःगु खनेदु । थुकि मल्ल जुजुपिसं थाय्-
थासय् कर काइबलय् दर्जाया ज्याकथं आपाः म्हो कायेगु यानातःगु
खः ।

कर संकलन यायेगु-

जुजुपिसं थःत माःगु रकम वा जिन्सी गां गामय्, त्वाःत्वालय्, प्रशासनिक अधिकारी, थीथी ज्याया नायोतपाखें कर म्हइ । थथे म्हःगु कर थीथी ज्याया नायोतयसं थःगु ज्याया अधिनय् दुनेलाःपि व्यक्ति-पाखें कर कयाः जुजुयात पुलेगु याइ । अथेतुं गां गामय् जुजुं म्हःगु कर गां नायोतयसं त्वाःत्वाःया नायोतपाखें व त्वाःत्वाःया नायोतयसं थःगु त्वालय् दुनेलाःपि व्यक्तिपाखें कर कयाः गांगाया नायोतयत पूली । थथे त्वाःत्वालं पूगु कर गांया नायोतयसं जुजुयात पुलेगु याइ । थथे कर तहतहकथं म्होयाः जुजुयात पुलीइ जूगुलि करया भार जुजुं गांया नायो वा अधिकारीतयत व्यूसां मुख्य करया भार लाःपि राज्यया प्रत्येक व्यक्ति खः ।

‘सेवा कु’ कथं कर कायेगु यातधाःसा गां गामय् व थःगु राज्यया सत्तिक सत्तिकच्चंगु राज्यतयके व राज्यदुने वस्ती याःवःपि खसःमगःतयके खः । तर ‘नगद’ कथं कायेगु धाःसा प्रशासनिक अधिकारी, थीथी ज्याया नायोतयके नं कर कायेगु याः ।

मल्ल जुजुपिनि कर व्यवस्था आधुनिक सिद्धान्त (Cannon of Taxation) कथं जुयाच्चंगु खनेदु । थुबलय् नैतिक धारणायात ध्यानय् तयाः जुजुपिसं थःगु ज्यायात माःकथं कर कायेगु यातातःगु करया सिद्धान्तया अध्ययन याताः कयातःगु मखु । अमिगु विचार व आवश्यक पूर्ति यायेगुकथं कयातःगु खः । तर Cannon of Taxation अगुरुप जुल । गुगुलि याताः मल्ल जुजुपि विद्वान खः धकाः स्पष्ट याः ।



लिधँसा

पाण्डुलिपि

खलकसन्दुलि- (ध्यासफू) धनवज्ज वज्जाचार्यया संकलनय् च्वंगु
पार्थिवेन्द्र मल्लया राज्याभिषेकया बारे, नाप नृपेन्द्र
मल्लया बारे उल्लेख यानातःगु दु ।

‘धरःपौ’- राष्ट्रिय अभिलेखालय् दुनेच्चंगु, लगत नम्बर २२५५
चौथोगु हरिताल दुगु भव्यागु खः । थुकी जम्मा पृ.
१८९ प्रकीर्णया रूपय् दुगु, च्वमि मदुगु सफू खः ।

‘साहेबज्यू चौतरीहरूको विवाह’- श्व ‘नेपाल तथा एशियाली अनु-
सन्धान केन्द्र’ पुस्तकालय ल्याः ४३६/२२ तुयु भवतय्
चवयातःगु खः ।

प्रकाशित सफू

Chattopadhyaya K.P. ‘An Essay on the History
1980 of Newar Culture’ Kath,
Educational Enterprises.

Nepali, Gopal The Newars: Bombay, United
Singh, 1965 Asia.

Regmi D. R. Medieval Nepal Part II: Cal-
1966 cutta, Firma K. L. Mukho-
padhyaya

- Regmi, D. R. **Medieval Nepal Part III:**
1966 Calcutta, Firma K. L. Mukhopadhyaya.
- Regmi, D. R. **Medieval Nepal Part IV:**
1966 Patna, The Author.
- Sangaji, S. **Dictionary Urdu – English:**
1983 New Delhi, Asian Educational Services.
- Turner, Ralph Lilley. **A comparative and Etymological Dictionary of Nepali Language:** Hyderabad, Allied Publishers Private Limited Reprint.

- खनाल, मोहनप्रसाद **मध्यकालीन अभिलेख । काठमाडौं ।**
२०३०
- खत्री, प्रेमकुमार **नेपाली समाज र संस्कृति । काठमाडौं,**
वि. सं. २०३६ **पाठ्यक्रम विकास केन्द्र ।**
- जोशी, पन्नाप्रसाद **संक्षिप्त नेपालभाषा शब्दकोश । काठमाडौं,**
ने. सं. १०७६ **थ:हे ।**
- जवाली, सूर्य विक्रम **नेपाल उपत्यकाको मध्यकालीन इतिहास ।**
वि. सं. २०२६ **काठमाडौं, रायल नेपाल एकेडेमी ।**
- तिवारी, भीमनिधि **महाराज भूषतीन्द्र । (नाटक), काठमाडौं,**
वि. सं. २०२८ **तिवारी साहित्य समिति ।**
- तेवारी, रामजी व मेपि **अभिलेख संग्रह । काठमाडौं, इतिहास संशोधन**
(सं) वि. सं. २०१६ **मण्डल ।**

- नेपाली, टंकमणि र अरू नेपालीभाषामा प्रयुक्त अरबेली र फारसेली
वि. सं. २०३७ आगन्तुक शब्दहरूको अध्ययन (अप्रकाशित)
लघु अनुसन्धान परियोजना प्रतिवेदन, त्रिभुवन
विश्वविद्यालय ।
- बज्राचार्य, चुन्दा मल्लकालीन ऐतिहासिक सामग्री धर.पौः
वि. सं. २०४१ (अप्रकाशित) नेपाल एशियाली अनुसन्धान
केन्द्र, कीर्तिपुर ।
- वज्राचार्य, घनवज्र "मल्लकालीन नेपाल" नेपाल परिचय ।
वि. सं. २०३२ काठमाडौं, पाठ्यक्रम विकास केन्द्र, पृ. ७०-
१२० ।
- बैद्य, जनकलाल राष्ट्रिय अभिलेखालयस्थित नेपालभाषा अभि-
वि. सं. २०३५ लेखको वर्णमाला सन्दर्भ सूची (अप्रकाशित)
मल्ल, कमलप्रकाश सिँकेमिया स्वाने । येँ, नेपालभाषा परिषद् ।
ने. सं. १०६८
- राजवंशी, शंकरमान ऐतिहासिक कुण्डली । काठमाडौं, श्री ५ को
वि. सं. २०३३ सरकार, शि. मं. पुरातत्व विभाग, राष्ट्रिय
अभिलेखालय ।
- शर्मा, बालचन्द्र नेपाली शब्दकोश । काठमाडौं, रायल नेपाल
वि. सं. २०१६ एकेडेमी ।
- 'हृदय', चित्तधर नेपालभाषा साहित्यया जातः । कान्तिपुर,
ने. सं. १०६१ नेपालभाषा परिषद् ।

पत्र-पत्रिका

Hale, Austin and Iswarananda Shresthacharya
Dec. 1973 'Is Newari a classifier Language?

**Contributions to Nepalese
Studies Vol. I, No. 1, pp 1-21**

**Malla, Kamal P. Linguistic Archaeology of the
1981 Nepal valley: A Preliminary
Report, Kailash VIII ½ pp:
5-23.**

**Malla, Kamal P. River- Names of the Nepal
Dec.1982/ Valley: A study in cultural
June 1983 Annexation Contributions to
Nepalese Studies Vol 10, No.
1, PP 57-68.**

तमोट, काशीनाथ 'नेपालभाषा वास्तुकला- खोंव पुचः, ये, जः
ने. सं. १०६६ ६, पौ १५६-१६२

पौडेल, भोलानाथ 'जितामित्र मल्ल', पूणिमा वर्ष १, अंक १,
वि. सं. २०२१ पृ. २०-२५

वि. सं. २०२१ 'जितामित्र मल्लका कृतिहरू' पूणिमा वर्ष १,
अंक २, पृ. ११-२०

वि. सं. २०२१ 'भक्तपुरको राजकुलो', पूणिमा वर्ष १, अंक
४, पृ. ४४-४९

वि. सं. २०२३ 'भूपतीन्द्र मल्ल' पूणिमा वर्ष ३ अंक १ पृ.
२३-२६

वि. सं. २०२३ 'भूपतीन्द्र मल्लका कृतिहरू' पूणिमा वर्ष ३
अंक २, पृ. २२-३०

बज्राचार्य, गीतमबज्ज 'नेवारी भाषामा फारसी, अरबी आदि मुसल-
वि. सं. २०२१ मानी भाषाको प्रभाव' पूणिमा वर्ष १ अंक १
पृ. ३३-४१

वज्राचार्य, गीतमवजू वि. सं. २०२३	‘अप्रकाशित ध्यासफू’, पूणिमा वर्ष ३ अंक ४, पृ. २२-३६
वि. सं. २०२४	‘ध्यासफूको ऐतिहासिक व्याख्या’, पूणिमा वर्ष ४ अंक १, पृ. १५-२५
वि. सं. २०२४	‘ध्यासफूको ऐतिहासिक व्याख्या’, पूणिमा वर्ष ४ अंक ४, पृ. ३७२-८२
वज्राचार्य, चुन्दा ने. सं. १९०२	‘नसात्वंसा रितिधित्ती कीगु जातिय विभाजन’ ख्यस्वां ल्याः १ अंक १, पौ २०-३२
ने. सं. १९०३	‘बीद्धमार्गीय नेवाःतय इहिपाः प्रथाय सँ प्याकेगु रीति’ यल, कुलां ल्याः ७ पौ ५५-६२
वज्राचार्य, घनवज्र वि. सं. २०२१	‘मरुलकालमा देश रक्षाको व्यवस्था र त्यसप्रति प्रजाको कर्तव्य’ पूणिमा वर्ष १ अंक २, पृ. २०-३३
वि. सं. २०२३	‘योगनरेन्द्र मल्लको राज्याभिषेक’ पूणिमा वर्ष ३ अंक १, पृ. १७-२२
वि. सं. २०२६	‘साहित्य, संगीत र कलाको अभिवृद्धिमा राज- कीय विवाहोत्सवको प्रभाव’ गोरखापत्र (शुभ- विवाहोत्सवांक) १६ फाल्गुण
वैद्य, जनकलाल ई. सं. १९८४	‘नेपालको पुरातात्विक अभिलेखमा नेपालभाषाको स्थान- एक अध्ययन’, ROLAMBA Jan-March Vol. 4, No. 1 PP. 13-22
ई. सं. १९८०	‘नेपालभाषा इतिहास अध्ययनका आधार सामग्री: ROLAMBA April-June, Vol. 4, No. 2, PP. 10-14.

मल्ल, कमलप्रकाश 'मध्यकालया अभिलेख्य नेपालभाषा', खेल्नुइताः
ने. सं. ११०२ स्वंगूगु ने. सं. ११०२, पौ ३-१५

'यात्री', पुर्णप्रकाश नेपाली 'कर्णाली प्रदेशको मध्यकालीन इतिहासमा
छत्तीसकर' Contribution to Nepalese
Studies Vol. 10, No. 1 and 2,
PP. 81-94.

राजवंशी, शंकरमान 'महीन्द्र सिंह (भास्कर मल्ल)को ताम्रपत्र र
वि. सं. २०२१ त्यसको ऐतिहासिक व्याख्या', पूर्णिमा वर्ष १
अंक २, पृ. ५५-६०

वि. सं. २०२४ 'भक्तपुरका मल्ल राजासंग सम्बन्ध राख्ने
घरःपौ (लगत)', पूर्णिमा वर्ष ४ अंक १

वि. सं. २०२४ भक्तपुरका मल्ल राजासंग सम्बन्ध राख्ने
घरःपौ (लगत) का केही ऐतिहासिक सारांश'
पूर्णिमा वर्ष ४ अंक ४, पृ ३६५-७१

